











দে.ব লা।

DEVALA

ঐতিহাসিক কাব্য।

HISTORICAL POEM.

‘হাকৈজ সাহেব’ প্রণেতা

মৌলবী ওসমান আলী বি, এল,  
কর্তৃক বিরচিত।

মেদিনীপুর “মোস্লেম লিটারারী সোসাইটী” হইতে  
প্রকাশিত।

প্রথম সংস্করণ

কলিকাতা।

৪নং কড়িয়া গোরস্থান রোড।

রেয়াজ-উল-ইসলাম প্রেসে,

মোহাম্মদ রেয়াজুদ্দীন আহমদ কর্তৃক মুদ্রিত।

মেদিনীপুর।

1901



## ভ্রম-সংশোধন ।



মুদ্রাকর প্রমাদে পুস্তকের কয়েক স্থলে অশুদ্ধ রহিয়াছে, সে গুলি সংশোধন পূর্বক পাঠ করিবেন ।


পৃষ্ঠা	লাইন	অশুদ্ধ	শুদ্ধ
৭	১৩	করি'	করি,
১০	১৯	মুহূর্তে	মূহূর্তে
১১	৯	'সে'কেন্দার' নামা	'সেকেন্দার নামা'
১৪	৯	তথা ।	তথা
১৬	৮	যথা'	যথা,
২০	৭	চুমিলা	চুমিলা
৪১	১৫	ভূজ	ভুজ
৪৩	১০	ভূজবলে	ভুজবলে
৫৩	১	গগণে	গগনে
৫৮	৩	কল্যানে	কল্যাণে
ঐ	১১	অনুমাত্র	অণুমাত্র
৬৬	১০	ভূপতি	ভুপতি







## মুখবন্ধ ।



বঙ্গের কৃতি সন্তান মিঃ রমেশচন্দ্র দত্ত সি, আই-ই মহোদয় প্রণীত ভারতবর্ষের সংক্ষিপ্ত ইতিহাসে, আলা-উদ্দীন বাদশাহের রাজত্ব কালের বর্ণনা পাঠ করিতে করিতে, গুজরাটের রাণী কমলা দেবী ও তদীয় দুহিতা দেবলা দেবীর মনোহর আখ্যান অবগত হই। যদবধি কমলা দেবী ও দেবলা দেবী সম্বন্ধীয় ঐতিহাসিক ঘটনাবলী পাঠ করি, তদবধি তদসম্বন্ধে একটা কাব্য রচনা করিবার বাসনা আমার অন্তরে জাগরুক থাকে। উক্ত বাসনার বশবর্তী হইয়া কাব্যের উপকরণ সংগ্রহে প্রবৃত্ত হইলাম। অনন্তর শায়র-উল-মুতাক্কেরীন, মৌলবী আবদুল করিম বি এ সাহেবের প্রণীত সংক্ষিপ্ত ভারত ইতিহাস, ভারত ভ্রমণ প্রভৃতি হইতে আবশ্যকীয় উপকরণ সংগ্রহ করিয়া এই ক্ষুদ্র কাব্যখানি রচনা করিলাম।

ইহাতে ইতিহাস উল্লিখিত প্রকৃত ঘটনাবলী যথাসাধ্য সন্নিবেশিত করিয়াছি, অনৈতিহাসিক অমূলক ঘটনা বিবৃত করিবার চেষ্টা করি নাই; কেবল কথা ঐতিহাসিক

সত্য ঘটনা যাঁহাতে উল্লঙ্ঘিত না হয়, তৎপক্ষে যথেষ্ট প্রয়াস পাইয়াছি ; অবশ্য, কতদূর কৃতকার্য্য হইয়াছি, বলিতে পারি না। অষ্ট পাঁচ বৎসর হইল কাব্যখানি প্রণয়ন করি, কিন্তু সাধারণে প্রকাশ করিব কিনা বিবেচনাধীন থাকে। আমার স্বদেশীয় বন্ধু সৈয়দ আবদুল গফ্ফার সাহেব প্রথমাবধিই উহা প্রকাশ করিতে অনুরোধ করিয়া আসিতেছিলেন, পরে সুধাকরের মাননীয় সম্পাদক মুনশী আবদুর রহিম সাহেব ও লহরীর সম্পাদক মাননীয় মুনশী মোজাম্মেল হক সাহেব উহা পাঠ করিয়া, স্থানেস্থানে সংশোধন করিয়া দেন এবং উহা প্রকাশ করিতে উৎসাহিত করেন।

এইরূপে উৎসাহিত হইয়া ‘দেবলা’কে অবশেষে সাধারণে প্রকাশ করিতে মনস্থ করিলাম। ঘটনাক্রমে ইসলাম প্রচারকের মাননীয় সম্পাদক মৌলবী রেয়াজুদ্দীন আহমদ সাহেবের হস্তে কাব্যখানি পতিত হওয়ায়, তিনি পাঠ করিয়া প্রকাশ করিতে অনুরোধ করেন ; সুতরাং আমি তাঁহার হস্তেই উহার মুদ্রাঙ্কণের ভার প্রদান করিলাম। তিনি যত্র পূর্ব্বক উহার মুদ্রাঙ্কণ কার্য্য ও প্রক দেখিয়া দেন, এজন্য আমি তাঁহার নিকট বাধিত থাকিলাম।

সুধাকরের মাননীয় সম্পাদক হিতাকাঙ্ক্ষী মুন্শী আবদুর রহিম সাহেব ও লহরীর সম্পাদক মাননীয় মুন্শী মোজাম্মেল হক সাহেব যত্ন পূর্বক স্থানে স্থানে সংশোধন করিয়া দেবলাকে প্রকাশ করিবার জন্য উৎসাহিত করিয়াছিলেন বলিয়া, আমি তাঁহাদের নিকট অকৃত্রিম ঋণ-পাশে আবদ্ধ রহিলাম।

পরিশেষে বক্তব্য এই যে, দেবলা একজন পাঠকের ও মনস্তৃষ্টি সম্পাদন করিতে পারিলে এবং পাঠক মহাশয় উহা পাঠ করিয়া ‘সময় টুকু অপব্যয় হইলনা’ বিবেচনা করিলে, আমি আমার শ্রম সার্থক জ্ঞান করিব।

চুয়াডাঙ্গা ( নদীয়া )

ঐশ্বর্যকারস্ব।

২০ শে জুন, ১৯০১ সাল



# দেবলা ।

## প্রথম সর্গ ।

---

অস্ত গেল দিমমণি ; বিষাদে ধরনী  
ধূসর বরণ বাসে আচ্ছাদিল কায় ।  
পতি দরশন আশে কুমুদিনী ধনী,  
আশায় বাঁধিয়া বুক ছিল সারাদিন,  
সন্ধ্যা সমাগমে এবে, শশাঙ্ক উদয়  
নিশ্চয় জানিয়া মনে হইল প্রফুল্ল ;  
পূজা সমাগমে যথা বঙ্গবধূগণ ।  
সান্ধ্য সমীরণ বহি' মৃদুল হিল্লোলে  
জুড়াল জীবন, শ্রম-ক্রম করি দূর ।  
নীরবে বিহগকুল পশিছে কুলায় ;  
সারা দিন পরিশ্রমে অবশ শরীর,  
হল কাঁধে ধীরি ধীরি কৃষকের দল,  
চলেছে বাড়ীর পানে এবে ; মাঠ হ'তে

রাখালেরা ধেনু সহ ফিরিতেছে গেহে ।  
 প্রতি উপাসনা লয়ে উঠিল মধুর  
 “আল্ লাহো আকবর” আহবান ধ্বনি  
 ভেদিয়া গগন ; ধর্ম্মভীরু, ধর্ম্মপ্রাণ  
 মোসলেম গণ ছুটিলা মসজিদ পানে,  
 সাংসারিক সর্ব্ব কষ্ট করি পরিহার,  
 বিভু উপাসনা তরে, রণমদে মাতি  
 ছুটে যথা বীর গণ, রণাঙ্গণে হাঁয় !  
 ভেরীর ভীষণ রব পশিলে শ্রবণে ।  
 উঠিল ঘণ্টার ধ্বনি দেবালয় হ’তে,  
 আরতি করিতে রত হইল পূজারি ।

ক্রমে অন্ধকার জাল বেড়িল জগত,  
 একে একে তারা দল সুনীল আকাশে  
 মিটি মিটি মেলিল নয়ন, মানবের  
 মনে যথা ফুটে আশা ফুল । প্রতি গৃহে  
 জ্বলিল প্রদীপ ; দীপমালা উজলিল  
 সম্রাট ভবন—ফানুস, দেয়ালগির,  
 ঝাড় নানাবিধ, থরে থরে চারিভিত্তে  
 শোভে অপরূপ ; সাধ্য কি লেখনী করে  
 বর্ণনা তাহার ।

প্রাসাদের এক পার্শ্বে

দিল্লীশ্বর, নৃপবর শোভিছে আলা

রমা কোতুক ভবন ; নীল লোহিতাদি

সুস্নিগ্ধ উজ্জ্বল শত আলোক মালায় ।

চামেলী, গোলাপ আদি সুগন্ধি আতুর,

আমোদিছে চারিদিক; সুরভি কুসুম

রাজি, সুচিকণ হারে শোভে স্তম্ভে স্তম্ভে ;

হেম ফুল দানে পুনঃ শোভে কি সুন্দর ।

দিনমানে গুরুতর সাম্রাজ্য শাসনে,

প্রজার মঙ্গল কর বিধি সংগঠনে

নিয়ত রহেন আলা ব্যস্ত অতিশয়,

সন্ধ্যা সমাগমে তাই রাজ কার্য্য হ'তে,

লভি অবসর, শাস্তি-সরে সম্ভরণ

হেতু, নিত্য দিল্লীপতি আসেন এখানে ।

পাত্র মিত্র বয়স্কাদি সহ নানারূপ

গল্প, শ্রুতি-সুখকর করেন শ্রবণ ।

কভু সেনাপতি মুখে, যুদ্ধের কাহিনী

শুনে সুখী হ'ন দিল্লীশ্বর, কেমনেতে

সম্মুখ সমরে, অস্ত্রে অস্ত্রে, মল্ল যুদ্ধে

বীর সেনাগণ করে রণ; পরাজিত



করি বিপক্ষীয় সেনা “সম্রাটের জয়”  
 রবে, মহা জয়োল্লাসে কাঁপায় মেদিনী ;  
 উৎকর্ষ হইয়া আলা করেন শ্রবণ ;  
 আনন্দে হৃদয় তাঁর নাচে তালে তালে ।  
 বীরত্ব কাহিনী সদা প্রিয় বীরজনে ।  
 বেতালের মুখে শুনি রঙ্গ রসিকতা,  
 আমোদে সম্রাট কভু হয়েন অধীর,  
 আনন্দে বিহ্বল হ’ত পাত্র মিত্র গণ ;  
 হাসিয়া হাসিয়া সবে হইত অস্থির,  
 উঠিত হাসির ঢেউ ছাইয়া গগণ ।

কখন নর্তকী বৃন্দ অতুল রূপসী,  
 বোগীদের ধ্যান ভাঙ্গে রূপ হেরি যার,  
 কি ছার সামান্য নর ! মানস মোহিনী  
 চারু কাঁচলি শোভিতা, বাসন্তী ওড়না  
 তাহে চুমকীর কাজ, নীল নভস্তলে  
 যথা শোভে তারাকুল ; ফুলহার গলে  
 দোলে মরি কি সুন্দর, চরণে নুপুর  
 পরি’ ঠমকে ঠমকে খঞ্জন জিনিয়া  
 করে নৃত্য ; কোকিল গঞ্জিনী বামাকুল  
 কম কণ্ঠে সম সুরে ধরে যবে গান,

মন প্রাণ কাড়ি লয় ; তার সহ-হানে  
যবে কটাক্ষের বাণ, ( হেন সম্মোহন  
বাণ আছে কি ভূতলে ? ) সুপ্ত কামানল  
জ্বলে উঠে মানবের চিতে, ভস্মাবৃত  
ছত্ৰাশন যথা চণ্ড পবনের বলে ।  
তানপুরা, পাখোয়াজ, মৃদঙ্গ, সেতার,  
এস্রাজ, তাউস, বীণ, একতারা আদি  
বাণ্ড যন্ত্রে উঠে বোল সরস মধুর,  
কর্ণে ঢালে মধু মন আবেশে বিভোর ।

একদা সবারে আলা করিয়া বিদায়,  
রয়স্তোরে সম্বোধিয়া সরল অন্তরে  
কহিতে লাগিলা “শুন, প্রিয় বন্ধুবর,  
হৃদয়ের এককোণে নিভৃত নিলয়ে  
কুপণ যেমন ধন রাখে লুকায়িত,  
ততোধিক লুকায়িত ভাবে, পুষিতেছি  
আশা এক, সংগোপনে অতি, বহুদিন  
হ’ল আজি তাহা, কিন্তু সময় অভাবে—  
সময় অভাবে কেন ? আলস্য করিয়া  
তোমার নিকটে আজ্ঞা করিনি প্রকাশ ।  
প্রাণের সুহৃৎ তুমি, তোমাতে কখন

ভিন নাহি ভ্রাবি আমি ; দুই আলা, এক  
 মন প্রাণ ; তব যুক্তি বিনা কহ দেখি  
 ভ্রাতঃ ! কোন্ কার্য্য কবে করেছি সাধন ?  
 রাজনীতি ক্ষেত্রে, কিবা সমর ব্যাপারে,  
 নিয়ম গুঠনে, কিম্বা প্রকৃতি পালনে,  
 তব পরামর্শ বিনা কহু কোন্ কালে  
 কোন্ কাষে হস্তক্ষেপ করিয়াছে আলা ?  
 সুধাই তোমাৱে তাই দেহ স্মৃকতি,  
 কেমনে পূরিবে মম হৃদয়ের আশা ।”  
 শুনিলা সত্রাট বাক্য বয়স্ত নীরবে,  
 হাসিলা অমনি হো হো করি ; অনন্তর  
 রঙ্গ করি কহিলা বয়স্ত ;—“দিল্লীশ্বর !  
 বুঝিয়াছি আমি তব মনোগত ভাব  
 কোন উপবনে, কিম্বা রাজোছানে পুনঃ  
 ‘কুসুম কলিকা বুঝি হয়েছে বিকাশ,  
 সমীরণ পাশে তাই পাইয়াছ তার  
 সৌরভ আশ্রাণ ; স্মৃথের বারতা ইথে  
 নাহিক সংশয়, সেই হেতু রসরাজ !  
 চিত তব ব্যাকুলিত এত, লভিবারে  
 সে প্রসূন ছুরলভ অতি, তার(ই) আশা

পুষেছ কি নৃপবর হৃদয় কন্দরে  
সবতনে সংগোপনে ? ভাল, ভাল, ভাল,  
• কহ তবে কত দূরে কোন্ উপবনে  
ফুটেছে সৈ কমনীয় ফুল ? বনে ফুটে  
ফুল বনেতেই ঝরে, কিবা ফল তায় ?  
বুথা সে কুসুম তার বুথায় সৌরভ,  
বুথা তার সুষমা সস্তার, যদি নাহি  
দেবতা সেবায় লাগে, কিন্না যদি তাহা  
রাজ উপভোগ তরে না আসে কখন ?”  
বলিয়া বয়স্ক নীরবিলা ।

দিল্লীপতি

বিরক্তি ব্যঞ্জক স্বরে কহিলা তখন,  
‘প্রিয়বর ! এ মিনতি করি’ পরিহর  
রসিকতা ; রঙ্গরস বিনা তিল মাত্র  
কিহে তিষ্ঠিতে না পার ? রসিকতা বুঝি  
তব অঙ্গের ভূষণ ?” আবার বয়স্ক  
হাসিলা বিকট হাসি ; “রস নটবর”  
সম্বোধিয়া দিল্লীশ্বরে কহিলা মধুরে,  
“বারি বিনা মীন কভু পারে কি তিষ্ঠিতে ?  
জীবগণ কয় দিন বাঁচে বায়ু বিনা ?

তেমতি রহস্য বিনা না বাঁচে বয়স্য ।  
 নৃপতির হের যথা মুকুট ভূষণ,  
 রজনী ভূষণ যথা পূর্ণ শশধর,  
 বসন্ত ভূষণ যথা ফোকিল কূজন,  
 রঙ্গ রসিকতা জেন তথা বয়স্যের ।  
 নৃপবর রহস্যে কি কাজ ? এক কালে  
 ত্রিদিব সুন্দরী রূপবতী পদ্মিনীর  
 ভুবন মোহনরূপ নেহারি দর্পণে  
 লভিতে তাহারে ইচ্ছা করিলে রাজন,  
 কিন্তু বামা চিতানলে ত্যজিলা জীবন,  
 ভস্মে পরিণত হ'ল সোণার প্রতিমা  
 পূরিল না আশা তব ।

পুনঃ হে নরেশ

গুর্জর রাজার রাণী, কমলা সুন্দরী  
 গুণে রমা, তিলোত্তমা রূপে, চিত্ত তব  
 কুরিল হরণ ; কিন্তু স্মৃতির ফলে  
 পূরিয়াছে আশা, এবে সেই সুভাগিনী  
 অন্ধ বিরাজিতা তব ; মনোস্থখে আছ  
 মজি সুধাময় প্রেমে । পুনঃ নর নাথ !  
 কহ কোন্‌ সিমন্তিনী হৃদয় তোমার

করিয়াছে অধিকার ? কোন্ রূপবতী  
 ধাঁধিয়াছে তব অঁখি রূপের ছটায় ?”  
 উত্তরিল দিল্লী পতি, “আর কেন ভাই !  
 পদ্মিনীর নাম করি জ্বালাও আমারে ?  
 নির্বাপিত হতাশনে কি হেতু জাগাও  
 আর স্মৃতিহারা দাবু ? পদ্মিনী পাপিনী  
 আত্মঘাতী হয়ে পাপ পরাণ ত্যজিলা,  
 তার সম পাপিয়সী নাহি ধরাতলে ;  
 আত্ম-হত্যা মহাপাপ শাস্ত্রের বচন,  
 জেনেও পাপিনী পশি’ ঘোর চিত্তানলে  
 সঁপিলা আপন প্রাণ, অনন্ত নরকে  
 হবে বাসস্থান তার, পুড়িবে সদাই  
 জলন্ত অঙ্গারে, কভু সুগতি না হবে ।  
 আর যারা তার সহ জহরের ত্রিতে  
 অগ্নি কুণ্ডে দিল প্রাণ, তারাও পুড়িবে  
 অনন্ত নরকানলে, তারাও পুড়িবে  
 তার মত । ভ্রাতৃবর ! কমলা অবশ্য  
 কামিনী কুলের কোহিনুর, বীরোচিত  
 ভাব তার হৃদয়ের পরতে পরতে  
 রয়েছে নিহিত, দেখ সে প্রমাণ চারু,

যবে মম সেনাপতি বীর আলেফ খান  
 মন্ত্রী নসরৎ সহ, ভীম পরাক্রমে  
 গুর্জরের রাজধানী কৈল আক্রমণ,  
 নৃপতি করুণা রায় পলাইল ত্রাসে ;  
 মেঘ শিশু হেরি যথা ভীষণ শার্দূলে ।  
 সমর প্রাঙ্গণে হ'তে, প্রাণ ভয়ে পতি  
 পলাইল নিরথিয়া কমলা সুন্দরী,  
 ধিকারিয়া শত সেই কাপুরুষ মরে  
 বরিলা অপর বীরে রণে । সাধে বলি  
 কমলা কামিনী কুল কোহিনুর মণি ।”

বাধা দিয়া এই স্থলে সম্রাট আলারে  
 কহিলা বয়স্বে ধীরে “শোন নৃপবর  
 সামান্য যে নর তারো ক্ষুদ্র মনোভাব  
 অনুমানে কহিবারে পারে কোন্ জন ?  
 সম্রাট আপনি ; শত উচ্চ অভিলাষ  
 নিমেষে উদয় তব মহান হৃদয়ে  
 আঁখির পলকে পুনঃ হয় তিরোহিত,  
 বিশাল বারিধি মাঝে তরঙ্গ নিচয়  
 মুহূর্তে উদয় লয় যথা । তাই বলি,  
 কহ যদি বিবরিয়া, জানিবারে পারে

তবে এ কিঙ্কর তব।” বলি নিরবিলা।

“সত্য যা कहিলে তুমি” আরস্তিলা আলা

“সত্য তব বাণী ; কিন্তু আমার সে আশা

দূরাশা বলিয়া যেন লয় যুম মনে।

একদা যামিনী যোগে পর্য্যটন কালে,

উপনীত হইলাম নগরের মাঝে

বিপণি সম্মুখে এক ; দেখিলাম তথা

শুনিছে একাগ্রমনে মিলি কয় জন,

বীরত্ব কাহিনী পূর্ণ ‘সেকেন্দার’ নামা

দিখিজয়ে বাহিরিয়া সেকেন্দার বীর,

উলঙ্গ কৃপাণ করে জিনিছে সমরে

সামন্ত ভূপাল গণে ; শুনিছে সকলে

আর সাবাসিছে বাহুবল তাঁর ; শুনি’

তাঁর শৌর্য্য বীর্য্য গাথা আমিও দিলাম

তাঁরে শত ধন্যবাদ। শুন ভ্রাতৃবর !

তদবধি এই আশা জাগিছে অন্তরে

সেকেন্দার মত আমি হব দিখিজয়ী।”

এতবলি নীরবিলা দিল্লী অধিপতি।

“উত্তম, উত্তম অতি উত্তম” সহাস্ত্রে

কহিলা বয়স্য স্বরা ‘হে মহারাজন্ !



উত্তম এ আশা তব, জগতে নিয়ম  
 এই ; ক্ষুদ্র কবি শুনি সুকবির যশ  
 অভিলাষ হয় তার সুকবি হইতে,  
 রচিতে কবিতা গ্লাথা সুকবি মতন ।  
 স্নদৃষ্টান্তে সদা ফলে সুফল রাজন্ ।  
 বিধাতা করুন তুমি হও বিশ্বজয়ী,  
 সুযশ কিরণ তব ভাতুক মেদিনী,  
 সামন্ত নৃপতি গণ হ'ক পদানত,  
 কিস্তি প্রভু কর অগ্রে করতল গত  
 সমগ্র ভারত, পরে করো দিগ্বিজয় ।”  
 “কহ তবে ভ্রাতৃবর !” জিজ্ঞাসিলা আলা  
 “কোন্ দিকে অভিযান করিব প্রথম ?”  
 ধীরি ধীরি উত্তরিল বয়স্ক তখন  
 “হইয়াছে ভারতের উত্তর পশ্চিম  
 শাসন অধীন তব ; পূর্ব, দক্ষিণ  
 এবে বাকী মাত্র হেরি, তাই বলিতেছি  
 ‘দক্ষিণে প্রথমে কর যুদ্ধ অভিযান ;  
 বিধির কৃপায়, গললগ্নীকৃত বাসে  
 যত রাজা গণ আজ্ঞা পালিবে তোমার  
 গুরু আজ্ঞা লম । বিধাতার ইচ্ছাক্রমে

হবে রাজ চক্রবর্তী ; জয়-গীত তব  
উঠিবে ব্যাপিয়া বিশ্ব । কিন্তু রেখ মনে  
তব চির অনুগত এই দীন জনে,  
ভুলনা তখন ।” এত বলি মীরবিলা  
বয়স প্রবর । “তথাস্তু, তথাস্তু, অতি  
উত্তম যুক্তি তব” বলি হাসি হাসি  
বাড়াইল দুই কর দিল্লীশ্বর আলা,  
বয়সের পাতন, ধরি গলায় গলায়  
আলিঙ্গিলা সমাদরে । সানন্দ অন্তরে  
তেয়োগিলা অতঃপর উভয়ে আসন ।

## দ্বিতীয় সর্গ ।

অয়ি গো কল্পনে মানস বাসিনি,  
কবিগণ চিত্তে সুখ প্রদায়িনি,  
কবিকুল-পূজ্যা, দয়াবতী তুমি,  
তোমার দয়ার নাহি গো সীমা ;  
তুমি কৃপা যারে কর গো কল্পনে,  
কিসের অভাব তার এ ভুবনে,

শোক, তাপ, দুঃখ, দারিদ্র্য ভীষণ  
নিমেষে পলারি হেন মহিমা ।

তোমার প্রভাবৈ যত কবি গণে,  
দিব্যজ্ঞান লভি অসাধ্য সাধনে,  
সুদূর প্রসারি বিজয় কানন

চন্দ্রাতপ যাছে পাতার রাশি,  
দিবাকর কর তীব্র অতিশয়,  
না পারে পশিতে মানে পরাজয়,  
তোমার সাহায্যে কবিগণ তথা ।

অনা'সে প্রবেশ করে গো হাসি ॥

গভীর সাগরে তরঙ্গ সহিত  
ক্রীড়া করে রঙ্গে কভু নহে ভীত,  
কভু তলদেশে করিয়া গমন  
রত্ন রাজি হেরে হরষ ভরে ;

ভীষণ দর্শন জন জন্তুগণ,  
প্রবাহের সনে দেয় সম্ভরণ,  
কবিগণ তাহা মানুষ নয়নে

হেরে কল্পনে । তোমার বরে ।

অভ্রভেদী ওই পর্বত শিখর, .  
 কটিতটে যার ঘন জলধর,  
 মাথার উষ্ণীষ পড়ে গো খসিয়া  
 বারেক চাহিলে যাহার পানে,  
 কিছার মানব ! দেব সমীরণ,  
 আরোহিতে যাহে নাটর কদাচন,  
 তছুপরি কবি করে আরোহণ,  
 হাসিয়া হাসিয়া পুলক প্রাণে।

স্বর্গ-ধামে পশে ত্যজি ধরাধাম, .  
 সুধানদী যথা বহে অবিরাম,  
 শোক, তাপ যথা না পারে পশিতে,  
 চিরশান্তি যথা বিরাজ করে,  
 মন্দার কুসুম অপূর্ব সুসমা,  
 এ জগতে তারুঁ কি দিব উপমা ?  
 নন্দন কাননে নিত্য বিকশিত,  
 সৌরভে মজায় সুর নিকরে।

---

দিবাজ্ঞনাগণ মুক্ত কেশ দাম,  
 কিরূপ মাধুরী গঠন সূঠাম,

অমধুর স্বরে নানা রাগ রঞ্জে  
 সুধামাখা গান গাইছে সুখে ;  
 পুণ্যাত্মা মানব, স্বর্গবাসিগণ,  
 সে গান শুনিয়া পুলকিত মন,  
 তোমার প্রসাদে সে সুখ-সঙ্গীত  
 গায় কবিগণ শতেক মুখে ।

কভু লেখে কবি নরকের কথা  
 কালানল জ্বলে ধক্ ধকে যথা'  
 দীপ্ত শিখা উঠে ভেদি' ব্যোম দেশ,  
 বলসে নয়ন এমনি তাহ ;  
 পাপীরা পুড়িছে সংখ্যা নাহি বার,  
 পুড়ে কাল কাল বিকট আকার,  
 দুর্গন্ধ উৎকট ! বমি আসে গায়,  
 মুখ দিয়া উঠে পেটের ভাত ।

পুরীষের রাশ গন্ধে প্রাণ যায়,  
 গিজি গিজি করে পোকা গুলো তায়,  
 নাকে, মুখে, চোখে, ঢুকে পাপীদের  
 রক্ত মাংস মজ্জা টানিয়া খায় ;

দ্রাব্য, বিছে আদি বিষধর গণ,  
পাপীদের করে ভীষণ দংশন,  
অর্বাক ফুটিয়ে লাল পূজ পড়ে,  
আর্তনাদ ঘোর উঠিছে ছায় !

---

সূর্যমুখী স্থলে, জলে, কমলিনী,  
রবি হেরি কেন হয় গো সুখিনী ;  
কুমুদিনী ফুল কেন হেরি টাঁদে;  
বসন্তে কোকিল কেন বা গায়,  
সৌদামিনী কেন হাসে জলধরে,  
ঘন হেরি কেন শিখী নৃত্য করে,  
কি বলি ভ্রমর ভুলায় কুসুমে,  
তবভক্ত কবি জানে গো তায় ।

---

তব ভক্তগণ প্রসাদে তোমার,  
লভেছে জগতে সুখশ অপার;  
তুলি মনোলোভা সুকীর্তি কেতন,  
মরেও অমর হয়েছে সবে;  
তাইগো কল্পনে নিবেদি' তোমায়,  
কৃপাকণা দান করগো আমায়,

তব অনুগত রব চিরদিন  
জীবন আমার সফল হবে ।

নিরজন এই নিশীথ সময়,  
স্বকার্য সাধনে সবে রত রয়,  
কি নরঘাতক, তস্কর বঞ্চক,  
কিবা যোগী ঋষি ধার্মিক বত ;  
চলগো কল্পনে যাই একবার,  
সম্রাট ভবনে সঙ্কেতে তোমার,  
হেরিব তথায় দিল্লী অধিপতি  
কোন্ কার্যে এবে রয়েছে রত ।

সুন্দর সজ্জিত প্রকোষ্ঠের মাঝে,  
সুকোমল শয্যা পালঙ্কে বিরাজে,  
তদুপরি আলা তাকিয়া হেসেনে  
রয়েছে আয়াসে আধ শায়িত ।  
আল্‌বোলা নল ভুজঙ্গের প্রায়,  
রত্ন বিখচিত পড়িয়াছে হায় !  
সুগন্ধি তামাক পুড়িছে তাবায়,  
সুগন্ধে চৌদিক পরিপূরিত ।

আলার অঙ্কেতে কমলা সুন্দরী,  
 সুখাবেশে শির রাখি বৎস্কাপরি  
 ঈষৎ হেলিয়া সপ্রেম নয়নে  
 রয়েছে চাহিয়া আলার পানে ;  
 সহকার সাথে সুবর্ণ লতিকা  
 .তথা মনোমুগ্ধে প্রেমিকে প্রেমিকা,  
 মোহাগের ভরে রহি জড়াইয়া,  
 কটাক্ষ শায়ক সম্মুখে হানেক।

---

সুরসিক আলা বাম কর দিয়া •  
 কমলার কটি আছে জড়াইয়া,  
 দক্ষিণে ধরিয়া আলুবোলা নল,  
 ধীরে ধীরে ধীরে দিতেছে টান ;  
 কভু কমলার গোলাপী বরণ,  
 চুষ্টি গণ্ড দয় করিয়া যতন,  
 তাম্বুল রঞ্জিত অধর পল্লবে .  
 প্রেমভরে সুখ করিছে পান।

---

কণপরে আলা চিবুক ধরিয়া  
 কমলারে হেন কহিলা হাসিয়া,



“কহ বিধুমুখি ! কহ বিবরিয়া  
 স্নেহে কিস্বা দুঃখে রয়েছ হেথা,  
 দাস দাসী সেবা করে কি প্রকার ?  
 পরিজন সবে কেমন ব্যভার,  
 করে তোমা প্রতি, কহ বরাননি !  
 জানিতে কাসনা সকল কথা ।”

বলি আলা বিধু বদন চুমিলা,  
 অমনি কমলা মুচকি হাসিলা,  
 সরসীর মাঝে যথা কমলিনী  
 হাসে গো রবির কর পরশে ;  
 “জাঁহাপানা” বলি কহিলা তখন,  
 পরাভবি’ শত কোকিলা কূজন,  
 কিস্বা সমস্তরে যেন শত বীণা  
 , বাজিয়া উঠিল মরি হরষে ।

“জাঁহাপানা ! আমি সামান্য রমণী  
 রাজ স্নেহে যাপি দিবস রজনী,  
 দিয়াছ থাকিতে সুরম্য প্রাসাদ,  
 বিলাস সামগ্রী সজ্জিত যায় ;

শ্বেত, পীত, নীল, লোহিত বরণ,  
সাচ্চা কাজ করা সূচারু বসন,  
মাণিক্য খচিত অমূল্য ভূষণ,  
হের নাথ ! শোভে দাসীর কায় ।

“নানাবিধ চর্ব্য, চোষ্য, লেহ্য, পেয়,  
ভোজন কারণ খাদ্য উপাদেয়  
সদাই প্রস্তুত ; দাস দাসী সেবা  
করে রীতিমত সদাই মম ;  
শোন প্রাণেশ্বর ! তব পরিজন  
ভিন্ন বলি মোরে ভাবেনা কখন,  
স্নেহ করি কত ভালবাসে মোরে,  
অভিন্ন হৃদয়া সঙ্গিনী সম ।

---

“কুমার খেজের সরলতাময়,  
মাতৃ সম করে ভক্তি অতিশয়  
রূপে অনুপম, পঙ্কজ আনন,  
গুণে অলঙ্কৃত হৃদয় তার ;  
কি কহিব নাথ ! নিরুখি কুমারে  
ব্যথা পাই বড় মনের মাঝারে,

শোকে হিয়া জ্বলে না পারি নিভাতে,  
দর দর বহে নয়নাসার ।”

ছাড়ি’ দীর্ঘ শ্বাস কমলা তখন,  
আনত করিলা কমল বদন,  
যন জলধরে ঢাকিলে তপন  
বিষাদে মলিন নলিনী প্রায় ;  
‘একি বিপরীত !’ আলা ভাবে মনে,  
সহসা এরূপ হইল কেমনে,  
শারদীয় পূর্ণ সুবিমল শশী  
অকস্মাৎ রাত্ৰ গ্রাসিল হায় !

“কহ প্রিয়স্বদে” প্রকাশি’ কহিল,  
“শোক সিন্ধু তব কেন উথলিল ?  
রূপে গুণে বুঝি কুমার সদৃশ  
ছিল তব এক নয়ন মণি ?  
হারায় সে ধন দুর্ভাগ্যের ফলে,  
ভাসিছ দুর্বীর নয়নের জলে,  
শোকসিন্ধু তেঁই পড়িছে উছলি’  
স্মরণ করিয়া তারে লো ধনি ?”

“না, না, হৃদয়েশ ঠিক তাহা নহে,  
 বহু পুণ্য ফলে বিধি অশ্রুগ্রাহে,  
 লভেছিলাম এক কন্যা সুলক্ষণা  
 রূপ গুণবতী দেবলা নামে;  
 ছুরদৃষ্ট হায় ! বঞ্চিতা সে ধনে,  
 পুনঃ যদি পাই জুড়াই জীবনে,  
 হাতে যেন পাই গগনের চাঁদ,  
 মন্দার কুসুম এ ধরাধামে।

“কিস্তি হায় ! নাথ এ আশা আমার,  
 মিটিবে না কভু পূরিবে না আর !  
 হায়রে ! অসার স্বপন নিশার,  
 বাস্তব হয়েছে কোথায় কবে ?  
 আহা যদি কোন হতভাগ্য জন,  
 গভীর সাগরে হাতের রতন,  
 ফেলাইয়া দেয় বল দেখি প্রিয় !  
 পায় সে কি তাহা ফিরিয়া তবে ?”

---

ছাড়িয়া ছতাশ নীরবিলা রাণী,  
 উত্তরিল আলা “কেন চন্দ্রাননি,

থাকে যদি কেহ সুদক্ষ ডুবুরী  
 আনিবে সে রক্তে তুলি অনা'সে !  
 স্কলোচনে যদি অনুমতি পাই,  
 শত শত বীরে এখনি পাঠাই,  
 যেখানে পাইবে দেবলা রতন,  
 আনিবে সহর তোমার পাশে ।”—

বলি আলা তার বদন চুমিলা,  
 হাসি হাসি রাণী সত্ৰাটে কহিলা,  
 “এ দুঃখিনী চির রহিল বাধিত,  
 শোন প্রাণেশ্বর ! চরণে তব ;  
 রূপ-গুণ-যুত খেজের তোমার,  
 রূপ-গুণ-যুতা দেবলা আমার,  
 এক বসন্তে ছু'টি কুসুম কলিকা  
 ধরিয়াছে যেন শোভা কি কব ?

“শোন দিল্লীপতি তাই সাধ মনে,  
 পরিণয় সূত্রে গাঁথিয়া ছু'জনে,  
 অতুল সুষমা, অপূর্ব মাধুরী  
 নেহারিব সদা নয়ন ভরি ;

হংস হংসী প্রায় প্রণয় সরসে,  
সন্তুরিবে দৌহে মনের হরষে,  
চিত্রা চন্দ্র কিস্বা গগনের ভালে,  
শোভিবে অতুল, অতুল মরি ।”

“আঃ মরি প্রেয়সী” কহিল ভূস্বামী,  
সুখময় সাধ অবিলম্বে আমি  
পূরাইব তব ; পাইবে নিশ্চয়  
সত্বর দেবলা রতনে রাণি !  
পশ্চিমে ভানুর সন্তবে উদয়,  
শুক শাখে যদি নব পত্র চয়,  
অমারাতে উঠে পূর্ণ শশধর,  
বৃথা না হইবে আমার বাণী ।

এত বলি’ আলা কমলা প্রিয়ারে,  
জড়ায়ে সাদরে হিয়ার মাঝারে,  
দিয়া আলিঙ্গন সপ্রেম চুম্বন,  
কক্ষান্তরে গেল হৃদয়ে রাখি’,  
আলা পানে রাণী চাহি’ কতক্ষণ,  
( অলি পানে মরি কুসুম যেমন )

কোমল শয্যায় করিলা শয়ন  
নিদ্রাবেশে ধীরে মুদিল অঁখি ।

---

## তৃতীয় সর্গ ।

---

কৃষ্ণপঙ্ক নিশি ঘোর অন্ধকার হয়,  
ঘোর ঘটাকার ঘন ব্যাপ্ত বিশ্বময়,  
ভীষণ দর্শন সৃষ্টি,  
হার মানিয়াছে দৃষ্টি,  
দূরে কি অদূরে কিছু না হয় দর্শন,  
একাকার তমোময় মেদিনী গগন ।

থেকে থেকে সৌদামিনী চমকে চঞ্চল,  
ধাঁধায় নয়ন, দীপ্ত করে মহীতল ;  
মূহুৰ্ত্ত উজলি ধরা,  
প্রেমিকার হাসি পারা,  
লুকাই জলদ মাঝে চকিতে আবার,  
বাড়ায় জগতে পুনঃ দ্বিগুণ অঁধার ।

---

তার সহ ভীমনাদে গরজে অশনি,  
কড় মড় শব্দে ঘোর কঁপায় অবনী,  
সহস্র কামান প্রায়,  
এক্ষেবারে গর্জে স্থায় !  
শ্রবণ বধির হয় কেঁপে উঠে প্রাণ,  
ভেবে সবে পরমাদ ! অবাক অজ্ঞান !

---

হেরি' প্রকৃতির হেন মূরতি ভীষণ,  
নীরব অবনী, ভয়ে স্তব্ধ সমীরণ,  
জননীর কোলে শিশু,  
কাননে গহবরে পশু,  
কুলায়ে বিহঙ্গগণ জড় সড় ভয়ে,  
স্থির অচঞ্চল তরু, লতিকা নিচয়ে ।

---

এ হেন সময়ে এক কুটীরের মাঝ,  
বসে বীর কতিপয় পরি রণসাজ ;  
তাহাদের পাশে হায় !  
বসেছে করুণা রায়  
হত রাজ্য বিহীন শ্রী ; নিশা অবসানে  
নিশ্প্রভ শশাঙ্ক যথা পশ্চিম গগনে ।



প্রকৃতি যে ভাব আজি করেছে ধারণ,  
করুণার হৃদে হেরি তার নিদর্শন ;

জলদে দামিনী হাসি

স্বপ্নে ক্রিমির নাশি,

দীপ্ত করে ধরাতল উজ্জ্বল প্রভায়,

পুনঃ মেঘে পশি' ধরা আঁধারে ডুবায়

রাজ্যোদ্ধার আশা তথা উদি' কতবার,

করুণার হৃদে, দীপ্ত করে মুখ তার ;

পুনঃ সেই আশা হয় !

অনন্তে মিশিয়া যায় ;

নিরাশ ভিমিরে ঢাকে করুণার মন,

বিষাদ কালিমা মাখে প্রফুল্ল আনন ।

বিরলে বসিয়া ওই বীর কয় জনা,

কেমনে লজ্জাবে রাজ্য করিছে জল্পনা,

খেদাইয়ে করুণায়,

গুজরাটের রাজ্য হয় !

দখল করেছে আলা খিলীজি প্রধান,

কেমনে উদ্ধার হবে ভাবিছে সন্ধান ।

হেনকালে ভূত্য এক প্রবেশি' তথায়,  
প্রদানি পত্রিকাধর কহিঙ্গ সবাঁয় ;—

“অশ্বারোহী দুই জন ;

করি বহু অন্বেষণ,

দিয়া গেল মহারাজে এই পত্রদ্বয়,

আনিবু গোচরে এবে কিবা আশ্চর্য হয় ।”

“ভাল, ভাল, যাও ত্বর বাহির দুয়ারে”

বলিয়া করুণারায় বিদাইল তারে ;

অতঃপর শশব্যস্তে,

পত্র এক তুলি হস্তে,

দেখিলেক শিরোনামা পারসী অক্ষরে,

ঘুরিল মস্তক, হিয়া ছুরু ছুরু করে ।

“বুঝেছি এবার মম নাহি পরিত্রাণ”

কহিলা করুণারায় কম্পিত পরাণ,

“এতদিন শত্রুগণ,

করি নানা অন্বেষণ,

সন্ধান পাইল মম বধিতে জীবন,

করিয়াছে তেঁই বুঝি পত্রে নিমন্ত্রণ ।

“ভাঙ্গিল সুখের স্বপ্ন, বৃথা রাজ্য-আশ,  
 বৃথা এ জল্পনা আর বৃথা এ প্রয়াস,  
 শিয়রে শমন যার,  
 বৃথা আশা করা তার,  
 ভুঞ্জিতে সংসার সুখ পূরাইয়া সাধ,  
 অবিলম্বে ঘটে তার হরিষে বিষাদ ।”

“কি হেতু রাজন্, এত হতাশ অন্তর ?”  
 সদর্পে জনেক যোদ্ধা করিলা উত্তর  
 ‘যতক্ষণ বহে শ্বাস,  
 ততক্ষণ রহে আশ,  
 আশাকে কে কবে বল করে পরিহার ;  
 আশায় রয়েছে হের নিখিল সংসার !

“দেহত রাজন্ আমি পড়ি পত্র খান  
 যাহয় উচিত মোরা করিব বিধান ।”  
 বলি সেই বীরজন,  
 লিপি করি উন্মোচন,  
 পড়িলেক উচ্চকণ্ঠে পত্রের লিখন,  
 নীরবে বসিয়া সবে করিল শ্রবণ ।

“শুনহে করুণরায় করি বিজ্ঞাপন,  
সম্রাটের অনুমতি তোমাতে এখন,  
তব পত্নী কমলার  
গর্ভে অতি চমৎকার,  
রূপ গুণবতী এক জনমে দুহিতা,  
দেবলা সুন্দরী নারী জগত বিদিতা ।

“বহু দিন তাঁরে রাণী না হেরি নয়নে,  
সতত কাটেন কাল বিষাদিত মনে ।  
আদেশ আমায়ে আছে,  
পাঠাতে জননী কাছে,  
দেবলারে রাজধানী দিল্লীতে সত্তর,  
দিবে কিনা ? কল্য তার দিও সদ্ভব ।”

“হায় কিবা পরিতাপ !” বলিয়া করুণ,  
বাজিল অন্তরে যেন শেল নিদারুণ,  
“হত রাজ্য, গত মান,  
কি দুঃসহ অপমান,  
এখনো নিশ্বাস কেন বহিতেছে হায় !  
প্রাণ বায়ু কেন নাহি অনন্তে মিশায় ?

“এখনো মাথায় কেন পড়েনি অশনি !  
 দ্বিধা নাহি হয় কেন এখনো ধরণী  
 কেন কাল বিষধরে  
 দংশন নাহি করি করে,  
 হিমাচল চূড়া কেন পড়েনা মাথায় ?  
 হেন অপমান আর সহ্য নাহি যায় !

“রে বিধাত !

‘আমা প্রতি কেন হেন নিষ্ঠুর ব্যভার  
 কিবা অপরাধ আমি করেছি তোমার ?  
 যেই দিন শত্রুগণে,  
 পরাস্ত করিল রণে  
 যেদিন সৌভাগ্য-রবি অস্তমিত হল,  
 আমার জীবন দীপ কেননা নিভিল ?

“আবার যে দিন অহো ! বিদরে হৃদয়  
 কেমনে কহি সে কথা ! বিধর্মী নির্দয়  
 লক্ষ্মীকপী কমলায়,  
 ধরিয়া ভেটিলা হয় !

দিল্লীর সম্রাট আলাউদ্দিন সদন ,  
 সে দিন হলনা কেন আগার মরণ ?

“আজি পুনঃ পাপ কথা এ পাপ শ্রবণে  
শুনিতে হইল অহো শিক ঐ জীবনে !

বল বল কোন প্রাণে,

সিধন্সী মুসলমানে ;

সমর্পণ করি হায় ! স্নেহের কুমারী,  
সোণার প্রতিমা স্তম্ভ দেবতা স্তন্দরী ?

“হা দেবলে ! প্রাণাধিকে ! তুমিগো আমার,  
কণ্ঠা না হইয়ে যদি হইতে কুমার,

তা হ’লে কি হিয়া মোর,

শোকানলে দহে ঘোর

করিতে কি পারে পাপী হেন অত্যাচার,  
লইতে কৃপাণ ধরি প্রতিশোধ তার !

“অথবা জন্মিয়া যদি হইত মরণ,  
তাহ’লে লভিত শাস্তি এ পাপ জীবন ;

অহো কিবা পরিতাপ !

কিসে ঘুচে মনস্তাপ,

বল বল এর কিবা আছে সত্বপায়,  
নস্তক ঘুরিছে অহো বুক ফেটে যায় !”

বলিয়া করুণারায় হইল মূচ্ছিত,  
 বজ্রাহত তরু যথা ভূতলে পতিত ;  
 হুয়া করি এক বীর,  
 তুলিয়া তাঁহায় শির,  
 সেচন করিতে বারি মুখে বার বার,  
 মেলিল নয়ন হ'ল জ্ঞানের সঞ্চার !

অহো ! শব্দে ছাড়ি এক সুদীর্ঘ মিশ্রাস,  
 তুলিল করুণারায়—অন্তরে তরাস—  
 অপর পত্রিকা খান,  
 দেখি তার শিরোনাম,  
 মহারাষ্ট্র ভাষে, হুয়া করুণা তখন  
 পড়িতে লাগিল তার খুলি আবরণ ।

“শোনহে করুণারায় গুর্জর নৃপতি,  
 মম নিবেদন কহি করিয়া প্রণতি,  
 রামদেব নাম মম,  
 বিক্রমে কেশরী সম—  
 আছেয়ে শঙ্কর দেব আমার তনয়,  
 দেবগিরি রাজ্য মম শুন পরিচয় ।

“শুনিলাম আছে তব অনূঢ়া দুহিতা  
রূপের মাধুরী গুণে ভুবনে বিদিতা,  
তাহার সম্বন্ধ আশে,  
আসিলাম তব পাশে  
কৃতার্থ হইব মম পূরিলে কামনা,  
কিবা তব অভিপ্রায় জানিতে বাসনা ।”

“উভয় সঙ্কট মোর” কহিলা করুণা ।  
“কোন পথে যাই এবে দেহ স্তম্ভনা ;  
এদিকে বিধর্ষিগণ,  
সজ্ঞাসিছে অনুক্ষণ,  
ওদিকে শঙ্কর দেব মহারাষ্ট্র কুলে,  
কেমনে বা দেবলায় সঁপি হস্ত তুলে ।”

‘শুনহে রাজন’ বলি একজন বীর,  
উত্তরিল করুণায় বচন গস্তীর ;  
“কালপাত্র ভেদ জ্ঞানে,  
কার্য্য করে সুধী জনে,  
অবস্থা বুঝিয়া করে ব্যবস্থা যে জন,  
জগতে পণ্ডিত নাহি তাহার মতন ।



“দেখেছ বিধর্মিগণ চতুর কেমন,  
 কেমন সুন্দর হের লিপির গঠন,  
 দুফট, আলা দুরাচার,  
 ভাণ করি কমলার—  
 লভিতে দেবলা ধনে পাতিয়াছে জাল,  
 পাবেনা সে ধনে যদি নিজে আসে কাল

“চাহিতেছে রামদেব মহারাষ্ট্র-পতি  
 দেবলায় পুত্রবধু করিতে নৃপতি !  
 জন্ম মহারাষ্ট্র বংশে,  
 হীন নহে কোন অংশে,  
 রাজপুত কূলে কিন্তু জনম তোমাব ;  
 তেঁই তব অসম্মতি বুঝিলাম সার ।

“কিন্তু দেখ মহারাজ করিয়া বিচার,  
 উভয়ে ক্ষত্রিয় জাতি মিছা নহে তার,  
 কূলে ভিন্ন হলে হায় !  
 বল কিবা হানি তায় ?  
 সম জাতি ভিন্ন কূলে হলে পরিণয়  
 কোন ক্ষতি নাহি তাহে সর্ব শাস্ত্রে কয় ।

“বিশেষ শঙ্করে কন্যা কৈলে সম্প্রদান,  
 হইবে অশেষ লাভ, বাঁচিবেক মান ;  
 নতুবা বিধর্ষিগণ,  
 করি বল প্রদর্শন, •  
 হরিবে দেবলা ধনে পাইবে যথায়,  
 কলঙ্ক রটিবে তব বিশাল ধরায় ।”

নীরবিলা বীরবর ; সকলে তখন  
 উদ্ভম যুক্তি বলি করিলা গ্রহণ ;  
 নীরবে করুণারায়  
 ভাবি এবে নিরুপায়  
 শির নাড়ি জানাইল স্বীয় অভিমত,  
 অপাঙ্গ বহিয়া অশ্রু ঝরে অবিরত ।

অতঃপর মহোৎসাহে যত বীরগণ  
 দু’টি কার্য সাধিবারে করিল মনন ।  
 প্রথম, শত্রুর সনে  
 মাতিবে তুমুল রণে ;  
 দ্বিতীয়, শঙ্কর সহ বিবাহ কারণ—  
 অবিলম্বে দেবলারে করিবে প্রেরণ

## চতুর্থ সর্গ।

নিস্তক মন্ত্ৰণা-গৃহ ; স্থউচ্চ আসনে  
বসিয়াছে দিল্লীপতি গম্ভীর মূৰ্তি,  
‘অঁখিদয় তাঁর, অস্ত প্রায় রবি সম  
রক্তিম বরণ ; ঘন ঘন চারিদিকে  
ঘুরিছে নিয়ত ; মুখে প্রতিভাত আহা  
প্রতিজ্ঞা ভীষণ ; আহত ভুজঙ্গ সম  
ছাড়ে ঘন তপ্ত শ্বাস ; বন্ধ মুষ্টি তাঁর  
হেরিলে অন্তরে হয় আতঙ্ক সঞ্চার ।

সম্মুখে আসীন মন্ত্রী, আনত বয়ান,  
চিস্তারত স্থির নেত্রে করে বিলোকন  
লিপি এক ; জন কয় আশে পাশে তাঁর,  
‘বয়েছে বসিয়া সবে নিষ্পন্দ নীরব ;  
‘করযোড়ে রহিয়াছে অদূরে দাঁড়ায়ে  
দূত এক চিত্রার্পিত ছবির আকার ।  
হেরিলে এ সব হয় এ ভাব উদয়,  
বুঝি কোন অভাগার নিকট সংশয় ।

“কহ মল্লি কহ ফিরে, মালিক কাফুর  
 কি লেখেছে পত্র মাঝে ?” কহিলা সন্নাট  
 জলদ গম্ভীর স্বরে । “মন্ম এই তার”  
 উত্তরিল মল্লী, “আহা ছুবুন্ধি করুণা  
 অবহেলি আজ্ঞা তব, দেবগিরি পতি  
 শঙ্কর দেবের সহ দেবী দেবলার  
 দিবে পুরণয়; পুনঃ বহু আয়োজন  
 করিতেছে স্বীয় রাজ্য উদ্ধার কারণ ।”

---

স্বতাহতি দিলে যথা জ্বলে ছত্যাশন,  
 জ্বলিল আলায় অঙ্গ রোষে ততোধিক,  
 আরো ঘোর হ’ল তাঁর ঘোরাল নয়ন,  
 কাঁপে অঙ্গ থর থর, কাঁপে যে প্রকার  
 ধরাতল ভূকম্পনে হয় ! দণ্ডে দণ্ডে  
 দংশনে অধর হ’ল রুধির বরণ,  
 বজ্র নাদ জিনি’ ঘোর করিয়া গর্জম  
 কর্কশ বচনে আলা কহিলা তখন ।

---

“ছুবুন্ধি করুণারায়, ভীরু, কাপুরুষ,  
 রাজপুত কুল গ্লানি সমর বিমুখ,

জগত হাসায়ে আর বীর ধর্ম ভুলে,  
সমর প্রাঙ্গণ হ'তে মেষ শিশু প্রায়  
করি পলায়ন, ঘোর কলঙ্ক-কালিমা

লেপন করিল ছি ছি ! রাজপুত কুলে ।  
সেই ভীরা মম আজ্ঞা করেছে লঙ্ঘন ?  
নিশ্চয় এবারে তার নিকট মরণ ।

“রাজদ্রোহী হয়ে পুনঃ লিপ্ত ষড়যন্ত্রে ।

মূষিক হইয়া চাহে করিবারে রণ

‘মত্ত করি সহ ; ধৃত শৃগালের প্রায়  
কেশরীর সহ চাহে করিতে সংগ্রাম !

খগরাজ সহ আহা সামান্য পতঙ্গ

আসে যদি মত্ত হয়ে সমর আশায়,  
অচিরেই মিটে তার রণ কণ্ঠ্যুয়ণ  
বুদ্ধি দোষে যায় ত্বর শমন ভবন ।

“দুর্মতি শঙ্কর দেব, রাম দেবসুত,  
জেনেও আমার আজ্ঞা করুণার প্রতি

এরূপ ধৃষ্টতা কেন এত দর্প তার !  
দেবলারে চাহিয়াছে করিতে বিবাহ ?

ভুলেছে সে দিন যবে পিতা পুত্র ভয়ে  
 পরাস্ত মানিল দৌহে বিক্রমে আনার ;  
 ধন রত্ন, জনপদ, করিয়া প্রদান  
 শাস্তিলা আমার রোষ পে'ল রাজ্য প্রাণ !

“কহ মল্লি ! কি হেতু নীরব আজি তুমি  
 বীর শূন্য হয়েছে কি সত্রাট সেনানী ?  
 নাহি কেই বুঝি আর হেন বীর জন,  
 বিদ্রোহী করুণারায়ে, দুষ্কৃত রামদেবে,  
 ত্বরায় বাঁধিয়া আনে সম্মুখে আমার,  
 অথবা বিক্রমে ধরি অসি খরশান  
 ভূমে কাটি পাড়ে শির ছাগমুণ্ড প্রায় ;  
 • সমুচিত শাস্তি তবে পাপীগণ পায় !

---

“বাস্তবিক যদি মল্লি নাহি হেন বীর,  
 আপনি যাইব রণে পরি বীর সাজ ;  
 এখনো রয়েছে শক্তি মম ভূজ দ্বয়ে,  
 এখনো এ মুষ্টি পারে ধরিতে কৃপাণ,  
 এখনো সাহস নাহি হারায়েছে আলা,  
 কল্যই আনিব বাঁধি রাজদ্রোহী দ্বয়ে

কহ মল্লি সত্য করি নাহি কোন ভয়,  
গোপন করিলে ফল হবে বিষময় ।”

---

নীরবিলা নরনাথ । মল্লী ধীরি ধীরি  
কহিতে লাগিলা হেন সম্রাটে তখন,  
“কি হেতু এ ক্রোধ তব কহত রাজন  
আপনার রণসাজে কিবা প্রয়োজন ?  
সামান্য পতঙ্গ যদি করে আশ্ফালন  
নিভাইতে জ্বলন্ত প্রদীপ, কতক্ষণ  
রহে তার প্রাণ ? যুক্তি করি শিবাগণ  
পারে কি সিংহের খাদ্য করিতে হরণ ?

---

“নৃপবর ! কভু যদি অতল অর্ণবে  
ঘটে জলাভাব, কিম্বা মরুভূমি হয়  
বালুকায় দীন, নীল গগন মণ্ডলে,  
যদ্যপি সম্ভবে কভু তারকা অভাব,  
তথাপি হে নরপাল, বীরের অভাব  
কভু না সম্ভবে তব সেনানী মণ্ডলে ।  
আছে হেন শত শত বলী যোদ্ধাগণ  
ইঙ্গিতে ঘটাতে পারে প্রলয় ভীষণ ।

“মালিক কাফুর তব দক্ষ সেনাপতি,  
অতুল সাহস তার বীরত্ব অসীম,

সমর কৌশল তার বিদিত জগতে,  
তার সহ আছে সেনা শমনসোদর,  
ক্ষিপ্ৰগতি সংগ্রামে অটল। দাক্ষিণাত্য

জয় হেতু পাঠায়েছি বহু পূর্ব হ’তে ;  
সামান্য ইঙ্গিত যদি করি তারে এবে,  
সত্তর আনিবে বাঁধি দুষ্কৃত রাম দেবে।

“সেনাধ্যক্ষ আলেফ খাঁ, গুর্জর বিজয়ী  
শৌর্য্য বীর্য্য ভূজবলে অজেয় জগতে।

দুর্শ্মদ মোগলগণ ভীম পরাক্রমে  
প্রলয় ঝটিকা সম ভারত মাঝারে  
হায়রে পশিল যবে, যত নরনারী

কাঁপিল আতঙ্কে ; কিন্তু অমিত বিক্রমে  
আলেফ জাফর সহ কৈল আক্রমণ  
পলাইল মোগলেরা ভঙ্গ দিয়া রণ।

“রিস্তিন্দার দুর্গ আহা অবরোধ কালে  
বিস্তর সাহায্য তব করেছিল প্রভু



গুর্জরে পশিল যবে সেই, ভয়ে তার  
পলাইল দেশ ছাড়ি গুর্জর নৃপতি  
নিবীৰ্য্য করুণারায়, তপন উদিলে

নক্ষত্র দুর্শতি যথা ; এবে পুনর্ব্বার  
পাঠাব করুণা-ভীতি বীর আলেফ্ খানে  
ধরিয়া আনিবে তারে পাইবে যেখানে ।

নীরবিলা মন্ত্রীবর, রহিল সবাই  
বাকশূন্য মৌনীভাবে স্থির কতক্ষণ ;  
বাম গণ্ডে বাম কর করিয়া স্থাপন,  
ভূতলে রাখিয়া দৃষ্টি খীর, অপলক  
বসিয়াছে আলা দিল্লীপতি, অচঞ্চল  
ধীর সুগম্ভীর ভাবে, হিমাদ্রি যেমন  
প্রবল ঝড়ের পূর্বে প্রকৃতি যেমতি,  
আসীন গম্ভীরে তথা ক্ষণেক ভূপতি ।

“বল তবে মন্ত্রীবর” উত্তরিল আলা,  
প্রতিধ্বনি হ’ল—‘বল তবে মন্ত্রীবর’

“বল এই দণ্ডে মম সেনাপতি দ্বয়ে  
সাহসী কাফুরে আর বীর আলেফ্ খানে

রামদেব, করুণায় পরাজয়ি রণে

সহর বাঁধিয়া যেন পাঠায় উভয়ে ।

সমুচিত দণ্ড হেথা পাবে দুইজন,

শূলে কিস্তা করবালে বধির জীবন ।

“আর শুন মন্ত্রীবর ! বলিহে তোমার,

কত দেশ আসিয়াছে শাসনে আমার

মেনেছে আমার আজ্ঞা ক’জন ভূপাল ?

সত্য বটে পাঠায়েছ মালিক কাফুরে

দাক্ষিণাত্য দিগ্বিজয় হেতু ; কিন্তু কহ

দেখি মোরে, লাগিবেক আর কত কাল

দক্ষিণ ভারতে ? কত দূর অগ্রসর

হয়েছে কাফুর, কহ বিবরি সহর ;

“শুন দিল্লীশ্বর” মন্ত্রী করিলা উত্তর

“আদেশ করেছি আমি মালিক কাফুরে .

সমুদায় দাক্ষিণাত্য করিবারে জয় .

ভারতের দক্ষিণান্তে করিতে নিৰ্ম্মাণ

জয় স্তম্ভরূপী এক উন্নত মসজিদ,

শোভিবে তাহাতে রক্ত পতাকা বিজয় ;

ঘোষিবে জগতে পুনঃ সম্রাট গৌরব  
আমোদিবে চারিদিক সুষশ-সৌরভ ।

“শুভ কার্যে মেন আর বিলম্ব না হয়”  
উত্তরিলে আলা ; “জানাও কাফুরে মম  
শুভ আশীর্বাদ, আর বলে দেহ তারে  
দাক্ষিণাত্য পরাজয়ি ফেরে শীঘ্রগতি ।”  
“যথা আভ্রম মহীপাল” মন্ত্রী দিয়া সায  
সব কথা বলি দূতে বিদাইলা তারে ;  
সভা ভঙ্গে গৃহে গেলা আলা দিল্লীশ্বর,  
তারকা বেষ্টিত অস্ত গেল নিশাকর ।

---

## পঞ্চম সর্গ ।

---

রূপসী ললনা গলে,                      মণিময় হার দোলে  
তার মাঝে মধ্য মণি শোভা করে যেমতি ;  
নিখিল পৃথিবী মাঝে,                      ভারত বিবিধ সাজে  
সর্ব দেশ শিরোমণি শোভা পায় তেমতি ।

মনে হেন লয় মরি,      বিধাতা কৌশল করি  
 জগতের হাট রূপে গড়েছে ঐ ভারতে ;  
 এ হাটে যা' নাহি মিলে,    লক্ষ মুদ্রা প্রদানিলে,  
 না পাবে সন্ধান তার অন্ত কোন দেশেতে ।

---

বিস্ম্য গিরি হিমালয়,    সিন্ধু, গঙ্গা নদী চয়  
 তাজ, মতি, জুমা খ্যাত কুতবের মিনারা ;  
 হিন্দু, বৌদ্ধ, মুসলমান,    পার্শী, শিখ, খৃষ্টিয়ান  
 নানা জাতি নানা ভাষা নানারূপ চেহারা ।

---

সিংহ, ব্যাঘ্র, হয়, হাতি,    বিহঙ্গম নানা জাতি  
 বিশাল প্রান্তর আর সুবিস্তৃত কানন,  
 কাশ্মীরে সুবমা হয় !      নন্দন কানন প্রায়,  
 সুগন্ধি প্রসূন শত মরি মনোমোহন ।

---

-মুক্তা, হীরা রত্ন সার,    চারু কারু কার্যে আর,  
 ভারতের যশোরশ্মি ভাতিয়াছে জগত,  
 ভাস্কর্য বিদ্যার তরে      নিখিল অবনী' পরে  
 অদ্বিতীয় খ্যাতি লাভ করিয়াছে ভারত ।

---

বোম্বাই প্রদেশ মাঝে,      তার নিদর্শন রাজে  
 সমগ্র ধরণী পরে খুজিয়া যা' পাবেনা,  
 সুদৃঢ় পর্বত কাটি'      নিরমিত পরিপাটি,  
 গুহার মন্দির শত নাহি যার তুলনা ।

‘ঘর পুরী’ দ্বীপ মাঝে , খ্যাত ‘হস্তিগুহা’ রাজে  
 বিরাজে “কেনেরী গুহা” সালশেতি দ্বীপেতে,  
 কারুকার্যে সুশ্ৰুতি      নানা চিত্রে সুচিত্রিত,  
 ‘অজস্র’ গুহার যশ ব্যাপ্ত দিক দশেতে ।

ইলোরা গুহার যশ      ভুবন করেছে বশ,  
 পর্বত-মন্দির শত তার মাঝে রয়েছে,  
 ‘ইন্দ্র সভা’ চমৎকার,      ‘দশ অবতার’ আর,  
 ‘কৈলাস’ সবার শ্রেষ্ঠ মহা খ্যাতি লভেছে ।

কৈলাস মন্দির পাশে,      সুন্দর উদ্যানে হাসে  
 প্রফুল্ল কুসুম রাজি অনুপম সুষমা ;  
 এহেন উদ্যানে মরি,      ভুবন উজ্জ্বল করি,  
 কে দুটি দাঁড়ায়ে আছে সূবর্ণের প্রতিমা ।

হেরিলে বালিকা ছয়,      দেব-বালা ভ্রম হয়,  
মানবীর বেশে বুঝি নামিয়াছে মহীতে,  
কিন্ধা বনদেবী বালা,      রূপে বন করি আলা  
কুতূহলে বনশোভা নিমগন হেরিতে ।

লবণ্য সারল্যময়ী,      মাধুর্য্যে জগত জয়ী  
বিরাজে ভূতলে আহা হরষিত অন্তরে,  
স্থাম গঠিত কায়,      চারুবাস শোভা পায়,  
হেরিয়া রতির হিয়া অবসাদে বিদরে ।

চম্পক কলিকা সম      হস্তের অঙ্গুলি কম,  
তাহে দৌহে মনোম্বাসে পুষ্প কলি তুলিছে,  
কুম্ভ কলিকা গুলি      পরশি' কোমলাঙ্গুলি  
সোহাগে ভরিয়া যেন আপনিই ফুটিছে ।

একজনা ক্ষণ পরে      অগ্নে কহে শ্বশুরে  
“দেখ দেখ নন্দবালা নেহারিয়া নয়নে ।”  
একেবারে যেন মরি,      মধু বীণা সপ্তস্বর  
ঝঙ্কারি উঠিল, মধু বরষিয়া শ্রবণে ।

আবার কহিলা, বালা,      সম্বোধিয়া নন্দবালা  
 “দেখ দেখ প্রিয় সখি নেহারিয়া নয়নে,  
 প্রফুল্ল গোলাপ সঙ্গে      হের কতমত রঙ্গে,  
 খেলিছে ভ্রমর স্নেহে আলাপিয়া বিজনে ।

---

“মকরন্দ লুক মতি,      হের ওই প্রজাপতি  
 রজনী গন্ধার পরে হর্ষভরে বসিল,  
 অদূরে ভ্রমর অরি      হেরি’ জ্বালা মনে স্মরি,  
 প্রাণভয়ে পুনরায় ত্রাসে বেগে উড়িল ।

---

“ভৃঙ্গরাজ সগৌরবে      গুণ্ গুণ্ গুণ্ রবে,  
 রজনীগন্ধার মধু স্নেহে আসি হরিছে ;  
 স্নায় পূর্ণ বিশ্ব যাঁর,      এই কি বিচার তাঁর ?  
 সবল দুর্বলে সদা পদতলে দলিছে ।”

---

বলি, বালা নীরবিল ;      শশি-মুখ শুকাইল,  
 গভীর বিষাদে তার হিয়া পূর্ণ হইল ;  
 নিরখি অন্ডায় হেন,      কোমল অন্তরে যেন  
 বাজিল বিষম, অঁাখি অশ্রুণীরে পূরিল ।

নন্দবাবা কহে ধীরে— “কেন মগ্ন ছুঃখ নীরে ?

কেন সখি বৃথা নিন্দা করি বিশ্ব পালকে ?

তিনি সকলের সার, হের ইচ্ছা ক্রমে তাঁর,

ঘটিছে ঘটনা কত শত আঁখি পলকে ।

“শুন গো দেবলা তবে, একাকিনী আমি যবে

বাহিরিনু বন প্রান্তে পর্যটন লাগিয়া ;

সম্মুখে হেরিনু এক, লাফায়ে নিরীহ ভেক

নিজ গর্ভ পানে ধায় থপ থপ করিয়া ।

“হেনকালে সেই ভেকে সর্প এক মহা বেগে

নিমিষে ধরিয়৷ মহা সাপটিয়া গ্রাসিল,

• ক্ষণপরে দেখি আমি, নকুল স্বরিত গামী

চকিতে সে সর্প দেহ খণ্ড খণ্ড করিল ।

• “বিষাদে, বিষ্ময়ে, ভয়ে মহা জড় সড় ইয়ে

মর্যাহত হৃদে আমি গৃহ পানে ফিরিনু,

বিধাতারে দূষি’ শত নিন্দিলাম কতমত,

পরিশেষে জনকেরে সব কথা কহিনু ।



“নিন্দা শুনি বিধাতার,    কবি মোরে তিরস্কার,  
 নিষেধ করিল পিতা বিড়ু নিন্দা করিতে ;  
 তিনি প্রভু লীলাময়,    লীলা ক্রমে সব হয়,  
 অবোধ মানবে তার কি পারিবে যুক্তিতে ?

---

“শুনিয়া পিতার কথা,    দূরে গেল মনোব্যথা  
 তদবধি সংসারের নিত্য নব ঘটনা ;  
 ব্যাকুল করে না চিত,    কিন্তু হয়ে তিরপিত  
 ‘তার ইচ্ছা পূর্ণ হোক’ করি এই কামনা ।”

---

নন্দবালা মুখে শুনি,    উপদেশ পূর্ণ বাণী,  
 দেবলার মুখ পদ্ম প্রফুল্লিত হইল,  
 যেন পুষ্প ধূলি ভরা,    পেয়ে বরিবার ধারা  
 বিধৌত হইয়া মরি নব রাগে শোভিল ।

---

দেবলা তখন কয়    “বিবাদ বিস্ময় চয়  
 বিদূরিত হল সখি আজি তব কল্যাণে,  
 এস তবে দুই জনে    কহি মোরা ফুল্লাননে  
 ‘বিড়ু ইচ্ছা হোক পূর্ণ’ ভক্তি ভরা পরাণে ।

“হের' ভাই নন্দবালা      গগণে উঠেছে বেলা  
 পূরিয়াছে ফুলডালা নানাজাতি ঐসূনে,  
 পূজার হয়েছে বেলা,      কেন করি অবহেলা,  
 তোমার জনক পাশে চল স্বপ্না গমনে।

---

“কিস্ত একি হ'ল দায়,      অকস্মাৎ কেন হায় !  
 বাম চক্ষু আজি মম স্পন্দনিয়া উঠিল ?  
 বুঝি কোন অমঙ্গল,      কিম্বা কোন মন্দ ফল,  
 এহ দোষে আজি পুনঃ মম ভাগ্যে ঘটিল।

---

“তোমাতে সজ্জিনী করে,      তব জনকের করে  
 সঁপিয়া আমায়ে পিতা গিয়াছেন চলিয়া  
 চতুর প্রহরী গণ,      করি সবে প্রাণপণ  
 মম রক্ষা হেতু সবে আছে বন ঘেরিয়া।

---

“শত্রুদল' সংহারিতে      নিজ রাজ্য উদ্ধারিতে  
 নানা আয়োজন পিতা করিছেন যতনে,  
 বহুদিন হ'ল তাঁর      না পাইয়া সমাচার,  
 আকুল হ'তেছে মন বোধ মানে কেমনে ?

“শুনেছি বিধর্ম্যাদল      জানে নানা ছল কল  
 কখন কি বৈশ ধরি প্রবেশিয়া কাননে,  
 বন্দিনী করিবে মোরে,      অথবা ধরিয়া জোরে  
 অপমান করি মত বধিবেক জীষনে ।

“অতএব চল ভাই,      বিলম্বেতে কাজ নাই  
 দেবতা মন্দিরে চল তব পিতা সদনে ।”  
 শুনি দেবলাম্বা বাণী      নন্দবালা চন্দ্রাননী,  
 সতয়ে ফুলের ডালি তুলি অতি যতনে,

---

ক্রান্ত পদে অগ্রে যায়,      দেবলা পশ্চাতে ধায়  
 উষার পশ্চাতে যথা অরুণের কিরণ ;  
 দৌহে পরিশ্রান্ত দেহে      উত্তরে মন্দির গেহে  
 দূরে গেল চিন্তা ভয় প্রফুল্লিত আনন ।



## ষষ্ঠ সর্গ।

---

এ কি গো কল্পনে আনিলে কোথায় ?  
একি দেখি হেথা দৃশ্য বিভীষণ !  
শরীর রোমাঞ্চ হয় নয়ন টাটায় ;  
সমর প্রাঙ্গণ এ যে ভয়ঙ্কর !  
পরীক্ষার স্থল নর বাহুবল,  
বিষম পরীক্ষা আর আছে কি ধরায় ?

---

রুধির সাগরে রুধির তরঙ্গ,  
হয়েছে মেদিনী রুধিরে রঞ্জিত,  
বিকট আকার শত মৃত নর দেহ,  
রক্ত, কাদা মাখা ওতপ্রোত ভাবে  
রয়েছে পড়িয়া বিভীষিকা ময়,  
ক্ষীণ শ্বাস বহে কার, অর্দ্ধমৃত কেহ !

---

কারো হস্ত কাটা, কারো কাটা পদ,  
কারো মাথা কেটে হয়েছে দুখান,  
ঘোটকের খুরে কারো ছিন্ন নাড়ি ভুঁড়ী,

অসিধারে কারো, সর্ব্ব অঙ্গ ক্ষত,  
 প্রহারের চোটে ভাজিয়াছে দাঁত  
 বাণ বিদ্ধ হয়ে কেহ যায় গড়াগড়ি ।

---

‘জল, জল’ কেহ করে আৰ্ত্তনাদ,  
 ‘প্রাণ যায়’ ধলি ছাড়িছে হতাশ,  
 মন্ত্ৰণায় ছাড়ে কেহ বিকট চীৎকার;  
 শিবাগণ অসি মারিছে কামড়,  
 ঘা’র মুখে কারো রক্ত চেটে খায়,  
 তাড়াতে উহায় কারো শক্তি নাহি আর !

পূর্ব্বের যার দাপে কাঁপিত মেদিনী,  
 ভয়ে জীবগণ পলাইত দূরে,  
 তার কি এ দশা হয় ! দেখি কান্না পায় ;  
 সামান্য শৃগালে করিছে দংশন,  
 বাতনায় ঘোর করিছে ক্রন্দন,  
 তাড়াইতে এক রতি শক্তি নাহি হয় !

---

আর না, আর না, আর না কল্পনে  
 যথেষ্ট হয়েছে এ দৃশ্য দর্শন,

এখানে হইতে চল অন্য কোন ঠাই  
 এ বীভৎস দৃশ্য নেহারিব যত,  
 • —নৃশংসের কাজ যুদ্ধ বিসম্বাদ—  
 পূরিবে অন্তরশ্মম বিষাদে সদাই ।

•এ কি চিত্র পুনঃ বলগো কল্পনে,  
 আনন্দ লহরী ছুটিছে প্রবল,  
 আনন্দ সাগরে হেথা সবে ভাসমানি ;  
 এ বুঝি শিনির বিজয়ী যোদ্ধার,  
 ওই রণাঙ্গণে ভুজবলে যাঁরা  
 সম্রত জিনিয়া এবে উল্লাসিত প্রাণ ।

---

কেহ বা বসিয়া আনন্দিত মনে  
 ‘আরে মেরি জান’ গাইছে সঙ্গীত,  
 •বাদ্য যন্ত্রে কোন জন ধরিয়াছে তান ;  
 কেহ যুদ্ধ সাজ উন্মোচনে তার  
 কেহ তরবারে দেয় খুর ধার,  
 বিশ্রাম লাগিয়া কেহ রয়েছে শয়ান ।

এক পটে দুটি চিত্র মনোহর,  
 একটি হরিষ অণ্ঠটি বিষাদ,  
 হেরিনু কল্পনে যাহা কল্যাণে তোমার ;  
 নিত্য হেন চিত্র জগত মাঝার  
 প্রতি গৃহে হইতেছে সংঘটন ;  
 বিধির অপার লীলা বুঝে সাধ্য কার ?

---

বিদ্রোহী করুণে জিনিয়া সমরে,  
 আপন শিবিরে খটাজ উপরে,  
 সেনাপতি আলেফ খাঁ রয়েছে শায়িত ;  
 সংগ্রামে বিজয়ী তবু কি আশ্চর্য্য, !  
 মনে অনুমাত্র নাহিক উল্লাস,  
 চিন্তা ভারে যেন তাঁর হৃদয় পীড়িত ।

---

ভাবিছে আলেফ নিজ মনে মনে,—  
 “সত্য বটে আমি করুণারে রণে  
 পরাজয় করি সৈন্য কৈশু হতবল,  
 প্রাণ ভয়ে কিন্তু সমধিক তার ;  
 নির্লজ্জের কিবা লোক লাজ আর !  
 পলাইল তেঁই ভীকু ত্যজি রণস্থল ।

“সম্রাটের কিন্তু আছয়ে আদেশ  
 দ্বত করি তারে প্রেরিতে দিল্লীতে,  
 সে আদেশ বুঝি আর হলনা পালন ;  
 বৃথা হল মম এত পরিশ্রম,  
 রণ জয় মম শুধু পশুশ্রম,  
 বিজয়ী বলিয়া মম যশ অকারণ ।

“আরত উপায় কিছু নাহি হেঁদ্রি,  
 কোথা আছে দুষ্ক তাহাও নাজানি,  
 কিন্মা এবে কতদূরে করেছে প্রস্থান ;  
 জয়োল্লাসে আজি মন্ত সেনাগণ,  
 রণ সাজ খুলি আনন্দে মগন,  
 এ নিশীথে কেবা তার করিবে সন্ধান ?

“হয়েছে, হয়েছে” ( চিস্তি কতক্ষণ )  
 - কহিল আলেফ “কিন্তু আশা কম,  
 পূর্ণ যদি করে বিভু করুণা নিদান ;  
 করুণার কণ্ঠা দেবলা নামেতে  
 যদি পারি তার করিতে সন্ধান,  
 সম্রাটের কাছে মম বাড়িবে সম্মান” ।



একুপ ক্ষণেক চিস্তিয়া অন্তরে,  
 চিস্তার তরঙ্গে ভাসিয়া ভাসিয়া,  
 দেহ মন অবসন্ন হইল যখন,  
 তন্দ্রা আসি ধীরে মুদিল নয়ন ;  
 গভীর নিদ্রায় ক্ষণপরে আহা !  
 দেখিলা আলেখ্য এক অপূর্ব স্বপন ।

শূন্য হ'তে এক জ্যোতি অপরূপ,  
 দীপ্ত করি তেজে ব্যোম মহীতল,  
 ইরশ্বদ বেগে তাঁর আসিল নিকটে ;  
 তার মাঝে এক অলৌকিক নারী,  
 বলসে নয়ন হেরিলে মাধুরী,  
 দেখিলা আলেখ্য, ধরা কাঁপিল দাপটে

দীর্ঘ তনু ঢাকা চারু রক্ত বাসে,  
 মুক্ত কেশ দাম অসিত বরণ,  
 জ্যোতির্ময়ী মূর্তি তার প্রফুল্ল বয়ান,  
 আগ্রত লোচন ধক ধক জ্বলে,  
 শিরোপরি শোভে অমূল্য কিরীট,  
 রাম করে ঢাল ; ডানে অসি খরসান

কিহিলা সুন্দরী, অমৃত, ভাষিণী,  
 সুখা মাখা স্বরে বীর আলেফখানে,  
 অমৃত লহরী মরি ছুটিল প্রবল,  
 শত বীণা নিন্দি সুমধুর স্বর,  
 শুনিয়া আলেফ প্রফুল্ল অন্তরে,  
 মানিলা মানব জন্ম হ'লরে সফল।

— — —  
 “কেন বাছা তুমি রণজয়ী হয়ে,  
 আমোদ উৎসব তেয়োগিয়ে সব,  
 চিন্তিত অন্তরে আহা বাপিছ রজনী ?  
 অন্য বৎস গণ যুদ্ধ অবসানে,  
 — জয়োল্লাসে হের মাতিয়াছে সবে,  
 বিষন্ন অন্তর শুধু তুমি বীরমণি !

“তোমার চিন্তায় অন্তর আমার,  
 আকুলিত হ'ল হইলু অস্থির,  
 বাজিয়া উঠিল হৃদি-তন্ত্র সমুদায় ;  
 তব দুঃখ ভার করিতে লাঘব,  
 অপুত্র আমার তুমি বীরবর !  
 আসিনু হেথায় তেঁই জানাতে উপায়

“চতুর করুণা, গুৰ্জর নৃপতি,  
 স্নেহের দুহিতা দেবলা দেবীর  
 শঙ্কর দেবের সহ বিবাহ কারণ,  
 ভাল ভাল বীর করি মনোমত,  
 রক্ষা হেঁতু তার সহগামী করি,  
 দেবগিরি অভিমুখে করেছে প্রেরণ ।

---

“এখান হইতে কিছু দূর আগে,  
 কানন বেষ্টিত পর্বত গুহায়,  
 ইলোর মন্দির আছে বিদিত ভুবনে,  
 সে মন্দির মাঝে দেবলা সুন্দরী,  
 কিছু দিন তরে আছে লুকায়িত,  
 যোদ্ধাগণ যত তারে নিযুক্ত রক্ষণে ।

“প্রিয় বৎস ধর আমার বচন,  
 প্রাতঃকালে তথা করিও গমন,  
 দেবলার দেখা পাবে বলিনু সংবাদ ;  
 পরম যতন করিয়া তাহারে,  
 ভেটিও দিল্লীতে মহিষী সমীপে,  
 পাইবে যথেষ্ট মান ঘুটিবে বিষাদ ।”

ঐদৃশ্য হইল বামা ; আচম্বিতে  
 ভেঙ্গে গেল ঘুম ; সভয়ে আলোফ  
 মেলে আঁখি, বন্ধ করে ত্রাসে পুনরায় ;  
 জ্বলন্ত প্রদীপ গিয়াছে নিভিয়া,  
 অন্ধকারে কক্ষ হয়েছে পূরিত,  
 মেলিলে নয়ন কিছু দেখা নাহি যায় ।

---

“একি হল’ বলি ভাবিল আলোফ  
 “কোন্ নারী ছিল ? নাপারি বুঝিতে  
 রক্ত বাস, ঢাল, অসি, কিরীট শোভিত,  
 — রণ সাজে বামা, সম্ভাবিল মোরে  
 অতি স্নেহভরে ; ভাল, প্রাতঃকালে  
 ইলোর মন্দিরে যাব হইয়া সজ্জিত ।

---

পোহাইল নিশা, বিহঙ্গম গণ  
 গাইল প্রভাতী গান সুধাস্বরে,  
 বহিল প্রভাত বায়ু মৃদুল হিল্লোলে ;  
 কাননে কুসুম হ’ল বিকশিত,  
 সৌরভেতে দশ দিক আমোদিত,  
 তটিনীর স্রোত বহে গধুর কল্লোলে ।

জাগরিল সেনা, হেঁষিল তুরঙ্গ,  
 উঠিল আলেফ শয্যা পরিহরি,  
 স্মরিতে লাগিল মনে স্বপনের কথা ;  
 সত্য ভাবে কভু স্বপনের বাণী,  
 কভু ভাবে মনে স্বপন অলীক—  
 অলীক, মরুভূ মাঝে মরিচীকা যথা ।

কিংকর্ভব্য জ্ঞান হারায়ে ক্ষণেক,  
 বহুচিন্তা মনে করিল আলেফ,  
 চিন্তার সাগরে যেন নাহি পায় কূল ;  
 ইলোর মন্দির-গুহা অবিলম্বে  
 আক্রমিবে তেজে প্তির করি শেষে,  
 আত্মা দিলা ভেরী ধ্বনি করিতে তুমুল ।

ভেঁা ভোম্ ভীষণ শুনিয়া সহসা,  
 চমকিত হ'ল বীর সেনাগণ,  
 অতর্কিতে গৃহদাহে গৃহস্থ যেমন ;  
 শিবির মাঝারে শুনি তূর্বাধ্বনি,  
 রণ সাজে সবে সাজিল অমনি,  
 ছাড়িল ছুঁকার ঘোর কাঁপাল ভুবন ।

সেনাগণে পরে ডাকিয়া নিকটে,  
কহিলা আলেফ সুগম্ভীর স্বরে,  
“সাজ, সাজ সেনাগণ সাজহ ত্বরায়,  
অদূরে ইলোর মন্দির গুহায়,  
বিদ্রোহী করুণা আছে লুকাইয়া,  
চলহ সত্বর সবে ধরিব তাহায়ন”

---

চতুর আলেফ সেনাগণ সবে;  
বন অন্তরালে রাখিয়া গোপনে,  
ভ্রমণের ছলে গেল ইলোর মন্দির;  
— দেখিল কাননে ইতস্ততঃ ভাবে,  
বিচরিছে শাস্ত্রী গণ রণ সাজে,  
শমন কিঙ্কর যেন এক এক বীর।

বিজ্ঞন অরণ্যে হেরিয়া প্রহরী,  
স্বপ্ন বাণী সত্য ভাবিল আলেফ,  
পুলকে শরীর তার কণ্টকিত হ’ল।  
ধীরি ধীরি এক প্রহরীর তরে,  
জিজ্ঞাসিল কোথা ইলোর মন্দির ?  
কোন্ পথে যেতে হবে সত্য করি বল।

সুচতুর রক্ষী, হেরিয়া আলেফে,  
 শত্রুচর বলি করিয়া সিদ্ধান্ত  
 উত্তর দানিল হেন গস্তীর বচন ;—  
 “প্রভুর আদেশ আছে আমা প্রতি,  
 কোন বিধর্ম্মিরে ইলোর মন্দিরে,  
 বাইতে নাদিব রুভু থাকিতে জীবন ।”

আলেফ তাহারে জিজ্ঞাসিল ধীরে  
 “কেবা তব প্রভু কহত প্রহরী ?  
 কাহার আদেশে কর নিষেধ আমায় ?”  
 হইল উত্তর—“ গুর্জর ভূপতি,  
 দুর্জয় করুণারায় মম প্রভু,  
 তাহারি আদেশে আমি নিবারি তোমায় ।”

আলেফ তাঁহারে কহিলেন পুনঃ,  
 “তব প্রভু কিন্তু কল্যকার রণে  
 সম্রাটের সেনা পাশে হয়ে পরাজিত  
 হইয়াছে দেশত্যাগী ; কহ রক্ষি ;  
 এখন তোমার প্রভু কোন্ জন,  
 কার আজ্ঞা এবে তব পালন উচিত ?”

আহত ভুজঙ্গ সম সে প্রহরী—  
 কহিল। সক্রোধে তুলিয়া কৃপাণ,  
 “বিধর্ম্মা বঞ্চক তুই মিথ্যাবাদী ঘোর !  
 রটাস কলঙ্ক প্রভুর সুনামে,  
 আমার সাক্ষাতে হেন দুঃসাহস !  
 পল্লারে এখান হ’তে নহে মৃত্যু তোর।”

“কার মৃত্যু দেখ্’ ছুঁকারি আলেখ্য,  
 ভৌভোম শবদে বাজাইল ভৈরী,  
 পলকে গর্জিয়া ভীম শত সেনাদল  
 বিদ্রোহের বেগে ধাইল সতেজে,  
 বাঁধ ভগ্ন হ’লে শ্রোতস্বতী যথা,  
 শত মুখে ধায় বেগে তরঙ্গে প্রবল।

সেনানী-তরঙ্গ হেরিয়া অদূরে,  
 স্তম্ভিত হইয়া প্রহরী সকল,  
 ভাবে একি ইন্দ্রজাল অথবা স্বপন ;  
 অবশেষে ভাবি বিপদ ভয়াল  
 ভীরুমতি যত অধম শৃগাল,  
 পলাইল প্রাণ ভয়ে ত্যজিয়া কানন।



অবারিত গতি সেনাপতি তবে,  
 ধাইল ইলোর মন্দিরের পানে,  
 জলমগ্ন জন যথা নেহারিলে কূল,  
 পর্বত গুহার ইলোর মন্দিরে,  
 কানন আঝারে বনদেবী সমা,  
 দেখিল দেবলা দেবী বিরাজে অতুল

দীন দুঃখী জন অকস্মাৎ যথা,  
 হেরি বহু ধন প্রফুল্লিত হয়,  
 মরুভূমি মাঝে কিম্বা তৃষাতুর জন—  
 পাইলে সলিল প্রফুল্ল যেমতি,  
 দেবলারে হেরি আলেফ তেমতি  
 আনন্দে বিহ্বল অতি উল্লাসিত মন ।

সমগীর মণি দেবলা দেবীরে,  
 আনিল শিবিরে পরম যতনে,  
 ফলিল স্বপন কথা, পূরিল কামনা ;  
 সঙ্গে লয়ে তারে দিল্লী অভিমুখে,  
 চলিল আলেফ হরষ অন্তরে ;  
 বিধি সুপ্রসন্ন যারে কি তার ভাবনা ।

## সপ্তম সর্গ

---

শারদীয় অপরাহ্ন ; স্ননীল আকাশে  
শাদা মেঘ খণ্ডচয়,  
ভাসিতেছে আনমনে ;  
সূর্য্যের যৌবন আর নাইক এখন,  
মন্দীভূত এবে তেঁই উজ্জ্বল কিরণ ।

---

ঘন পল্লবিত তরু শোভার আধার,  
বক্রভাবে ছায়া গুলি  
পড়িয়াছে ধরাতলে,  
পত্র অন্তরালে বসি' বিহঙ্গম গণ,  
হৃষ্টমনে স্তমধুর করিছে কূজন ।

---

তৃণাবৃত স্তম্ভামল প্রশস্ত প্রান্তর,  
গবাদি বিবিধ প্রাণী  
সুখে তাহে বিচরয়,  
মন্দ মন্দ স্তম্ভস্পর্শ বহে সমীরণ,  
কুসুম সৌরভ দানি তোষে জীবগণ ।

মনোহর রাজোদ্যান ; সুসমা অপার/  
 নানাজাতি তরুলতা,  
 কতবা করিব নাম  
 খরে খরে চারি ধারে কিবা শোভে হায় !  
 নন্দন কানন যেন এ মর ধরায় ।

কুসুমিত লতাগুলি মহীরুহ সহ,  
 সোহাগে বেষ্টিত হ'য়ে,  
 সেজেছে সুন্দর কিবা  
 প্রেমিকা প্রেমিক সহ প্রেম আলিঙ্গনে  
 জড়িত রয়েছে যেন প্রেম মুগ্ধ মনে ।

মাঝে এক সরোবর স্বচ্ছ নীল বারি,  
 স্নেহ নীল লোহিতাদি,  
 শোভে পদ্ম নানাজাতি  
 রাজহংস সুখে তাহে করে বিচরণ ;  
 মৃগাল ভাঙ্গিয়া কভু করয়ে ভক্ষণ ।

চারি ধারে তরুলি রয়েছে ঝুকিয়া,  
 সরোবর হৃদে তার  
 পড়িয়াছে প্রতিবিম্ব,

বহৎ দর্পণে যেন নেহারিছে মুখ,  
কভু যুহু যুহু ছলি' হৈরিছে কোঁতুক ।

চারি পাশে চারি ঘাট শোভে অনুপম ;  
সুচিকণ রাজা রাজা  
প্রস্তুরে নির্মিত ঘাট,  
সুশীতল অতি আহা তুহীন সমান,  
বারেক পরশে স্নিগ্ধ হয় মনঃ প্রাণ ।

পশ্চিমের ঘাটে বসি যুগল মূরতি;  
বল গো কল্পনে মোরে,  
কেবা এরা দুই জন,  
দেবলোক বাসী দোঁহে, কিম্বা ছর পরী,  
আসিয়াছে রাজ্যোদ্যানে নররূপ ধরি ।

বহুমূল্য পরিচ্ছদ রতনে জড়িত,  
মণিময় অলঙ্কার  
অঙ্গে শোভে ছুজনার,  
অপূর্ব লাভণ্যময়ী কাস্তি কমনীয়,  
হেন অপরূপ রূপ নহে তুলনীয় ।

একি গো কল্পনে ! এষে যুবরাজ হেরি,  
 সম্রাটের জ্যেষ্ঠ পুত্র  
 কুমার খেজের নাম,  
 পাশে বসিয়াছে তার কমলা দুঁহিতা,  
 দেবলা সুন্দরী, রূপে ভুবন বিদিতা ।

---

বসিয়াছে যুবরাজ আনত আননে,  
 বিষাদে মলিন মুখ  
 রাহুগ্রস্ত শশী যথা,  
 মাঝে মাঝে ছাড়িতেছে তপ্ত দীর্ঘশ্বাস,  
 নয়নে নাহি সে জ্যোতিঃ, বদনে সে ভাস

---

দেবলা চয়ন করি বিবিধ প্রসূন  
 যতনে গাঁথিছে মালা  
 স্মৃটিকন মনোরম,  
 প্রশ্ন করি তার পদ্যনিভ কর,  
 বিকশিছে হাসিছলে কোরক নিকর ।

সরলা যুবতী এক মনোহর হার,  
 হাসি হাসি পরাইলা  
 যুবরাজ গলদেশে,

যুবরাজ কিন্তু এক ছাড়ি দীর্ঘশ্বাস,  
বাসনা মনের ব্যথা করিতে প্রকাশ ।

কুমারে হেরিয়া আজি বিষাদে মলিন,  
কাতরে কহিল বালা,  
“কি হেতু কুমার আজি .  
বিষন্ন বদন তব সজল নয়ন ?  
কেনবা ছাড়িছ উষঃ দীর্ঘশ্বাস ঘনঃ ?

“পিতার সদনে করি অপরাধ কোম,  
তাড়না খেয়েছ বুঝি,  
অথবা জননী ঠাই  
পাইয়াছ তিরস্কার কঠিন বচন,  
মনোদুঃখে তেই তব বিষাদিত মন ।”

উত্তরিল যুবরাজ ছাড়িয়া হতাশ,  
“পিতৃপাশে বরাননি,  
নহি কভু অপরাধী ;  
মাতৃ সন্নিধানে হেন করিনি কুকাজ,  
গালি খাব যার লাগি কিন্ম পাব লাজ ।

“কি বলিব স্নানচনে ! জননীর মুখে  
 শুনিব যে কথা আজি  
 মরমে মরিনু তাহে,  
 স্নানের সংবাদ সত্য নাহি তাহে ভুল,  
 আমার হৃদয় কিন্তু দুঃখেতে আকুল ।”

“একি একি হে কুমার’ বিস্ময়ে দেবলা,  
 জিজ্ঞাসিলা যুবরাজে,  
 “বিষম সমস্তা এষে,  
 বুঝিতে না পারি যেন হরিষে বিষাদ,  
 কহ কিবা শুভ কার্যো অশুভ প্রমাদ ।”

“কান্ত হও চন্দ্রাননি ! হওনা বিস্মিত  
 সব কথা একে একে,  
 কহিব তোমায় আমি,  
 তাহলে বুঝিবে কিবা সমস্তা ভীষণ,  
 হরিষে বিষাদ সত্য হয়েছে ঘটন ।

“মদবধি বিধুমুখি, বিধির কৃপায়,  
 তোমারে হেরেছি আমি,  
 হৃদয় উদ্যানে মম

রোপিয়াছি তদবধি এক আশালতা,  
পোষিয়াছি যত্নে তাহা শুন গো বারতা ।

---

“ভেবেছিলাম ঐক দিন সে আশা ব্রততী  
মুঞ্জরিত হয়ে মরি  
দানিবে অতুল সুখ ;  
পূরাইবে মন সাধ মিটাইয়া আশ,  
শুকাল সে আশালতা হইল হতান্ন ।

---

“আমাদের হিতৈষিনী তোমার জননী,  
স্থির করেছিল মনে  
( পিতারও ছিল মত, )  
গাঁথিতে বিবাহ সূত্রে তোমায় আমার,  
হেরিতে স্বর্গীয় সুখ অতুল ধরায় ।

---

“আমার জননী কিন্তু অসম্মত তাহে,  
তঁার ভ্রাতৃ কন্যা সহ  
দিতে মম পরিণয়,  
সংকল্প করেছে মনে না হবে অন্তথা ;  
তঁেই ধনি মম হৃদে লাগিয়াছে ব্যথা ।



---

“দীপতা মাতা পাত্র পাত্রী করিবে নির্ণয়  
এ হেন কঠোর বিধি,  
কি হেতু সমাজে রহে ?  
মনোমত হ’লে দৌছে করিবে বিবাহ  
স্বধাৰ্গবে উঠে নতু গরল প্রবাহ ।”

দীরবিলা যুবরাজ শোকতপ্ত মনে,  
মূর্ত্তিময়ী শান্তিসমা,  
ফহিলা দেবলা দেবী  
পিককণ্ঠ স্বর জিনি অমিয় বচনে,  
শান্তিবারি প্রদানিল কুমারের মনে ।

---

“কি হেতু কুমার এত দুঃখ ভাব মনে,  
বিমল হৃদয়ে তব  
কেন মাখ শোক কালি ?  
কেন বৃথা কর রোষ সমাজের প্রতি ?  
লজ্জিলে সমাজ বিধি হয় অধোগতি ।

---

“পিতা মাতা দোষ গুণ হেরিয়া কন্ডার,  
 হেরি তারে স্নানক্ষণা,  
 পুত্র হিত ভাবি পুনঃ,  
 শুভক্ষণ দেখি তার দেন পরিণয়,  
 হয় তাহে শুভ ফল সতত উদয়।

“যুবকেরা অন্ধ হয়ে রূপের ছটায়,  
 ভবিষ্য পত্নীর আর  
 নাহি বাছে দোষ গুণ,  
 স্নেহের বিবাহে দুঃখ ঘটে শেষফল,  
 স্নানধার সাগরে উঠে তীব্র হলাহল।

“বিধির নির্বন্ধ যাহা, কহ হে কুমার !

খণ্ডন করিতে তারে

কে পেরেছে কোন্ কালে?

তবে মিছে দুঃখ করি কিবা ফলোদয়  
 আরো দুঃখ বাড়ে তাহে ভ্রাস নাহি হয়

“জননী তোমার তাঁর ভ্রাতুষ্পুত্রী সহ,  
তোমার বিবাহ দিতে  
করেছেন অভিমত,  
অন্তমত নাহি তাহে করিও কুমার  
দুঃখিতা হবেন অতি জননী তোমার ।

---

“মম লাগি চিন্তা নাহি করো যুবরাজ,  
চির্তরে এ অভাগী  
দাসী রবে তব পদে,  
চাহিনা 'মহিষী হ'তে, কিম্বা রাজ্য ধন,  
দাসী ভাবে সদা তব সেবির চরণ ।

“যেই দিন শুভক্ষণে শুনহে কুমার,  
এখানে আসিয়া আমি,  
হেরিলাম তব মুখ  
সেই দিন তব পদে সঁপিয়াছি প্রাণ ;  
সর্ব তেয়াগিয়ে সদা করি তব ধ্যান ।

---

“তব ক্রীড়া সঙ্গী হয়ে প্রভাতে সন্ধ্যায়  
কত আশা, কত সুখ  
কল্পনা করেছি মনে,  
ভ্রমিয়াছি পুষ্পাদ্যানে নান্যবিধ ফুলে,  
গাঁথি নব মালা দোঁহে পরিয়াছি গলে ।

“বিধির ইচ্ছায় কিন্তু সে আশা কুমার !  
মিটিলনা বুঝি আর,  
সে সুখের সাধ মম  
অলীক হইল যথা নিশার স্বপন ;  
অভাগীর ভাগ্যে সুখ ঘটে কি কখন ?

“হউক বিবাহ তব অন্ত নারী সহ,  
তাহে মম নাহি দুঃখ,  
আমি কিন্তু দাসীরূপে  
তোমাগত প্রাণ হয়ে কাটাব সময়,  
রহিব কুমারী চির বলিনু নিশ্চয় ।”

মর্মোদুঃখে নীরবিলা দেবলা সুন্দরী,  
 চাহি তার মুখ পানে,  
 কুমার কহিলা দুঃখে—  
 কি করিব সলোচনে ! নিরুপায় এবে  
 বিধির লিখন যাহা অবশ্য তা' হবে ।”

---

অস্ত গেল দিনমণি ; তার সহ হায় !  
 অস্ত গেল স্নান মনে  
 সুখ রবি দুজন্যর,  
 তেঁই দোহে ক্ষুণ্ণমনে ত্যজি রাজোত্তান,  
 ধীরি ধীরি ভবনেতে করিলা প্রয়াণ ।

## অষ্টম সর্গ ।

---

কুমারের পরিণয় মহাসমারোহে,  
 মাতুল কণ্ঠ্যার সহ হ'ল সম্পাদন ;  
 তাহে কিন্তু যুবরাজ ক্ষণেকের ভরে  
 সন্তুষ্ট না হন কভু সদা ক্ষুণ্ণ মন ।

সদা চিন্তা মগ্ন যুবরাজ, যেন হায় !

চিন্তার সাগরে আর নাহি পান কূল ;  
আহারে, বিহারে, কিস্বা জাগরণে আর,  
সদাই বিষন্ন চিত সদা চিন্তাকূল ।

“দেবলা” বলিয়া কভু ছাড়ে উষ্ণ শ্বাস,  
কভু রহে এক দৃষ্টে চাহিয়া কেবল ;  
দেবলার অদর্শনে বিরহ অনল,  
দহিল বিষম তার হৃদয় কোমল ।

কুমারের অদর্শনে দেবলা স্তন্দরী,  
মরমে মরিল আহা কি কহিব আর ;  
দিনপতি অদর্শনে যথা কমলিনী,  
বিষন্ন বদনে রহে দুঃখিতা অপার ।

যুবরাজ মনে তার পড়ে নিশি দিন,  
কম তনু শুকাইল বিরহ দহনে ;  
নব বিকশিতা যথা কুসুম কলিকা  
শুকাইল মরি তীব্র নিদাঘ তপনে ।

খেজেরের হাসি ভরা ফুল্ল মুখ ছবি,  
 দেবলার হৃদিপটে জাগে অনুক্ষণ ;  
 শয়নে, স্বপনে, আহা জাগরণে আর,  
 রহে বালা নিরন্তর বিষাদিত মন ।

কুমারের প্রীতিভরা সোহাগ যতন,  
 আর তাঁর মধুমাখা অমিয় বচন,  
 ধ্বনিছে সতত যেন কর্ণে দেবলার,  
 সহিছে অন্তরে বালা যাতনা ভীষণ

উদ্ভানের অনুপম শোভা নিরখিয়ে,  
 দেবলার চিত আর প্রফুল্ল নাইয়,  
 পাদপলতিকা এবে পত্র পুষ্প ফল  
 অবিরাম করে তার ব্যথিত হৃদয় ।

সুশীতল সমীরণ পরশিলে কায়,  
 'মরুভূর তপ্ত বায়ু সম বোধ হয়,  
 বিহগ কূজন এবে পশিলে শ্রবণে,  
 নীরস কর্কশ লাগে তীব্র আতিশয় ।

অদূরে কাহার যদি শব্দ শব্দ হয়;

- অথবা কাহার স্বর করিলে শ্রবণ,
- কুমার আসিছে, কিম্বা কহিছেন কথা,  
দেবলার মনে ভ্রান্তি হইত এমন । •

— — —  
তেঁই নিরজনে বালা বসি একাকিনী,  
দুঃখিত অন্তরে চিন্তা করে অবিরল,  
চিন্তার সাগরে যেন চলেছে ভাসিয়া,  
আঘাতিছে হিয়া তার তরঙ্গ প্রবল ।

- একদা দেবলা অতি চিন্তিত অন্তরে,
- ভাবিতে ভাবিতে কত নিদ্রিত হইল,  
কিছুক্ষণ তরে নিদ্রা দেবীর কৃপায়  
হৃদয়ের তাঁর তার লাঘব হইল ।

শান্তি প্রদায়িনি ! নিদ্রে মায়াবিনি শ্রুতি !  
তোমার মহিমা হেরি অতুল ধরায়, • •  
কি সাধ্য আমার করি বর্ণনা তাহার,  
মহা মহারথী হার মানিয়াছে যায় ।



প্রবল পীড়নে, 'কিন্মা' ব্যাধি-আক্রমণে,  
 সংসারের মাঝে যেই হতভাগ্য জন—  
 নিয়ত সহিছে শত যাতনা ভীষণ,  
 তোমার কল্যাণে শান্তি পায় কিছুক্ষণ।

শোক, দুঃখ, মনস্তাপে যাহার হৃদয়  
 ব্যথিত পীড়িত সদা গুরু ভারে হয় !  
 তোমার অঙ্কেতে শির করিয়া স্থাপন,  
 ভুলে যায় শোক তাপ, মনে শান্তি পায়।

নিদ্রার কোলেতে তেঁই দেবলা সুন্দরী,  
 শির পাতি সুখাবেশে করেছে শয়ন,  
 বিস্মৃত হয়েছে এবে দুঃখ, মনস্তাপ  
 ঘুম ঘোরে নেহারিছে অদ্ভুত স্বপন—

অশ্রুত, অপূর্ব্ব এক কল্লোলিনী কূলে,  
 কুমারের বাম কর করিয়া ধারণ,  
 মনোহুখে দুই জনে করিছে বিহার,  
 প্রকৃতির শোভা হেরি প্রফুল্লিত মন।

রক্ত সলিলা নদী তরঙ্গে তরঙ্গে,  
 আনন্দে বহিয়া যায় করি কুল কুল,  
 বিমল জোছনা রাশি পড়ি হৃদে তার,  
 প্রকাশিছে মনোহর সুষমা অতুল।

• তটিনীর দুই ধারে বিবিধ কুসুম,  
 বিকশিত হয়ে শোভা ধরেছে অপার,  
 নৈশ সমীরণ মরি মুছল হিল্লোলে,  
 বহিতেছে চারি দিকে সৌরভের ভার

• সুনীল আকাশে ভাসে পূর্ণ শশধর,  
 ধবল কিরণ তার ঢালিছে ধরায়,  
 তরু, লতা আদি যেন করিতেছে স্নান,  
 নেত্র ভৃপ্তি কর শোভা ধরিয়াছে হায় !

থেকে থেকে পিকবর কুহু কুহু স্বরে,  
 শ্রবণে অমৃত যেন করিছে বর্ষণ,  
 দূরে প্রতিধ্বনি তার হতেছে মধুর,  
 প্রকৃতির নিস্তব্ধতা করিছে হরণ।

হরিত তুণের দল মনোরম অতি,  
 বিস্তৃত রয়েছে যেন শয্যা সুকোমল ;  
 তাহে দৌহে মনোস্থখে করিছে ভ্রমণ,  
 আমোদ প্রমোদে সুখ ভুঞ্জিছে বিমল ।

হেন কালে শব্দ এক বিকট ভীষণ,  
 সহসা ধ্বনিত হ'ল কাঁপিল পরাণ ;  
 এলয়ের কালে যথা বজ্রের নিনাদ,  
 অথবা গর্জিল ভীম সহস্র কামান ।

‘একি হ'ল অকস্মাৎ’ বলি যুবরাজ,  
 বিস্মিত হইয়া অতি চাহে চারিভিতে,  
 ভয়ে দেবলার অঙ্গ কাঁপে থর থর,  
 জড়ায়ে ধরিল তাঁরে আতঙ্কিত চিতে ।

অতঃপর দশদিক অঁাখির পলকে,  
 সুরঞ্জিত হ'ল ঘোর লোহিত বরণে,  
 জলস্থল, বৃক্ষলতা, চন্দ্রিমা আকাশ,  
 রক্তময় হ'ল যেন শোণিত বর্ণণে ।

দেখিতে দেখিতে নদী বন্ধ ভেদ করি,  
উঠিল মূরতি এক বিকট আকার,  
ঘোর কৃষ্ণ বর্ণ দেহ পর্বত প্রমাণ,  
হেরিলে অন্তরে হয় আতঙ্ক সঞ্চার।

বড় বড় চক্ষু দ্বয় ধক ধক জ্বলে,  
বিকট দশন তার মূলার মতন,  
নিশ্বাস বহিছে যেন প্রলয়ের বড়,  
মুখের বিবর তার গহ্বর যেন।

শীর পাদক্ষেপে দৈত্য মথিয়া সলিল,  
আসিল কুমার পানে প্রসারিয়া কর;  
দেবলা কুমারে আরো ধরিল জড়ায়ে,  
মনে ভাবে পরমাদ ত্রাসিত অন্তর।

খেজেরের দুই হস্ত ধরিয়া দানব,  
হুঙ্কার করিয়া ঘোর, গরজি ভীষণ,  
সাপটে মারিছে টান ছাড়াতে কুমারে,  
ছাড়াইতে কিন্তু নাহি পারে কদাচন।

হায়রে ! যেমতি চণ্ডীটিকা প্রবল,  
 উপাড়িতে মহীরুহ করে মহাবল,  
 কোমল লতিকা কিন্তু রয়ে জড়াইয়া,  
 তাহারে ছাড়াতে ঝড় নিতান্ত দুর্বল ।

দেবলার বাহু লতা বন্ধন হইতে,  
 কুমারে ছাড়াতে দৈত্য মানে পরাজয় ;  
 প্রেমের বন্ধন হের সুদৃঢ় কেমন,  
 শত শত্রু আক্রমণে ছিন্ন নাহি হয় ।

সহসা সে ভীম মূর্তি হ'ল অন্তর্ধান,  
 তার সহ রক্ত আলো হ'ল তিরোহিত,  
 অপরূপ জ্যোতিঃ তদা ভাতিল মেদিনী,  
 সহস্র তপন যেন হইল উদ্ভিত ।

পুনরায় নদীবক্ষ করিয়া বিদার,  
 সমুখিত হ'ল এক রূপসী ললনা,  
 স্থির সৌদামিনী সমা উজলিল ধরা  
 এ ছার জগতে তার কি দিব তুলনা ?

সুঠামি গঠন খানি লাবণ্যতা ময়,  
 সূচিকণ শ্বেতবসে রয়েছে মণ্ডিত,  
 কুসুম মুকুট শিরে, কুসুম ভূষণ,  
 কুসুমের হার গলে অতি সুশোভিত

অপূর্ব রমণী, তার কান্তি রমণীয়,  
 মনোরম ফুল সজ্জা প্রফুল্ল আনন,  
 হেরি দৌহে পুলকিত হইল অস্তুরে,  
 দূরে গেল ভয় আর ভাবনা ভীষণ।

চারু পুষ্প হার বামা লয়ে উভকরে,  
 মরাল গমনে মৃদু হাসিয়া হাসিয়া,  
 ( কিবা সে মাধুরী আহা ভুবন গোহন )  
 আইল দৌহার পাশে নাচিয়া নাচিয়া

পুষ্পহারে দৌহাকারে সাজাল সুন্দর,  
 একত্রে দৌহার কর মাধি পুষ্পহারে,  
 নাচিতে লাগিল রমা দিয়ে করতালি,  
 শূন্য হ'তে পুষ্প বৃষ্টি হ'ল শত ধারে।

মন্দ মন্দ প্রবাহি স্বধ পবন,  
 স্বর্গীয় দৌরভে দিব হ'ল আমোদিত,  
 নেপথ্যে উঠিল বাত ধ্বনি সুমধুর,  
 তার সহ সুধামাখা গান সুললিত ।

সহসা ভাঙ্গিল ঘুম, মেলিয়া নয়ন  
 দেখিল দেবলা শুয়ে আছে একাকিনী ।  
 কোথা গেল নদী আর কোথা যুবরাজ,  
 কোথা গেল ফুল রাণী অপূর্ব কামিনী ।

একে একে স্বপনের অদ্ভুত ঘটনা,  
 দেবলার স্মৃতিপথে হইল উদয় ;  
 শরীর রোমাঞ্চ তার হইল বিস্ময়ে,  
 নীরবে নিষ্পন্দ ভাবে শয্যাপরি রয় ।

মনে ভাবে কেবা সেই মূর্তি ভয়ঙ্কর,  
 কি হেতু কুমারে বেগে দিল আকর্ষণ,  
 কেবা ছিল সেই নারী কুসুম শোভিতা,  
 কেন ফুল হারে দৌঁছে করিল বন্ধন ?

দিক রাতি স্বপ্ন কথা ভাবে নিজমনে,  
 • সন্ততির কিন্তু তার কোথাও না পায় ;  
 যুবরাজে মনে যবে পড়িত তাঁহার,  
 ভাসিত দেবলা দুঃখে নিরবধি হয় !

অবশেষে দুঃখ নিশা হইল প্রভাত, •  
 • উদিল সূখের রবি ভুবন মোহন ;  
 পরীক্ষার পরে প্রভা পাইল প্রকাশ,  
 অগ্নি পুরীক্ষায় ভাতে সূবর্ণ যেমন

পরীক্ষার অবসানে দেবলা খেজের,  
 উভয়ে হইল বন্ধ বিবাহ বন্ধনে,  
 ভুলিল বিগত দুঃখ অপগত শোক,  
 ভুঞ্জিল অপার সূখ পবিত্র মিলনে ।





■

■

■

■









